

灤縣志

五人文題



四卷

民		人		
戲劇	方言	金融	生活狀況	戶口
	謠諺	宗教 <small>寺觀</small>	歲時	風俗習慣

灤縣志卷四

人民志

鷄犬相聞。炎黃苗裔。夷齊流風。廉隅砥礪。疇昔豐熾。士女丰昌。純澆奢儉。俯仰滄桑。釋老回耶。自由宗守。孔非宗教。生民未有。蕘豎行歌。伶官奏曲。一隅方言。載考風俗志人民第二。

(一) 戶口 見地理志

(二) 風俗習尚

編者按。諺曰。百里不同風。記曰。入國而問俗。風俗既殊。而習尚自異。亦山川區域之所限使然也。吾灤逼近故都。爲畿東要塞。自元明清定鼎燕京。而幽薊之地。遂一變其鄙野舊習。而日趨於文明。雖近日爭以侈靡相尚。迥非昔日之樸厚可比。然伯夷叔齊所居之故鄉。頑廉懦立之遺風。猶未盡泯也。故分其職業。徵其禮俗。各著於篇。以備觀風問俗者之稽考焉。

灤縣志

卷四

人民 風俗習尚

一

灤境東南多水。西北多山。近山者仁。近水者智。灤居山水之間。宜秉冲和之氣。然山多戴石。無坡陀奧衍之形。水盡披沙。少隄岸潑洄之勢。民生其間。性情肖之。故貌多樸野。不修文飾。話近慧直。每少紆迴。舊志謂人物勁悍者此耳。古稱灤爲夷齊桑梓之鄉。民易興起。則以其行有圭稜。礪廉恥而尚節義也。舊志近年則交通便利。世局翻新。田夫市儈。鄉曲佻達。一切棄舊趨新。大半染都市狡黠詭詐之習。而古風少替矣。以上人民性情

士金元以前。灤爲邊地。尚才武。習戎馬。而聲教未被。以文學著者。殆寡。明成祖定鼎燕京。徙民以實畿輔。右文治而左武功。灤俗乃文武並尚。多以科名起家。清代重道崇儒。敷文教。增學額。邑人遂彬彬然禮樂選矣。村各有塾。村童略讀兔園冊子。卽改業去者固多。間有穎悟之才。克自振拔。騰達者亦不乏人。清乾隆嘉慶以前。士多拙於吟詠。然務經學。工制藝。至耄猶孜孜不倦。師道嚴而弟子就職。所學者專也。道咸以後。漸通詞賦。惟多依傍類書。文喜獭祭。而根柢

之學弗尚焉。亦可觀土風之升降矣。此民國紀元前土風之概略也。頃年以來。縣立有初高中各學校。各編村普立初小學校。莘莘學子。日增月盛。而高材挾中人產者。類皆肄業於國立省立各學校。以蘄深造。其中富有產業者。或自備資斧。遨遊異國。爭先著鞭。視爲終南捷徑。國人則不問虛實。刮目相待。祝之曰。此輩海外歸來。或將有以利吾國乎。而曩年書生吟諷佔畢之習革矣。

農 縣境東界灤水。西繞沙河。其上游山水糾紛。夏秋之交。盛漲急湍。並歸兩河。少溢則害農田。清光緒九年之後。夏多苦雨。灤水尤洶湧。半改故道。自馬城迤東沃壤數十里。變爲平沙。

近年來。北自灤河鐵橋。南至巖山東麓。河道西遷。沿岸村莊田地。盡付東流。近且逼近禦灤門矣。居

民昔殷富者。今多彫落。惟西自古冶開平。南至稻地等村莊。厥土黃壤宜六穀。然地狹民稠。生者不敵其所食。轉資給於關東口外之糧。其膏腴又多係勳親圈地。輪租加丁糧數倍。民力拮据。以闔境田畝折準計之。田適爲下。下人窮則反本。是以男務耕耘。女勤紡織。恆終歲勤動。不敢自暇逸。通志稱節儉務農。良

灤縣志

卷四

人民 風俗習尚

二

有以也。近年灤縣農村。益形彫落。旗產一項。始終病民。變地催科。急於星火。益以軍用徵發。操切彌甚。每見悍吏下鄉。勢如猛虎。足跡所至。叫囂隳突。譁焉而駭。鷄犬弗寧。小民輟饗殮。以勞吏者。猶虞弗給。而困頓不堪矣。且人口繁密。生產不增。需要超過供給。衣食原料。動仰異方。男無餘粟。女無餘布。環境所趨。習尚漸易。勤儉之風。殺蓄積之念。弱長此不更。凋敝正未有艾也。

工 明初工匠有籍。今無矣。因民風樸素。不尚奇巧。其居肆者。攻金攻木而已。惟唐山多缸窰。能製陶器。罌甕盆盎之屬。皆具焉。然粗笨乏精細。其他日用所需。皆來自異方。

舊志

近年灤境工藝較曩昔頗有進步。卽如唐山窰業。昔時僅製

粗笨之缸器。近則兼製精細之瓷器。價值較外來者爲低廉。又如桑條筐籠。實裨農事。以上二者。除供本地需用外。且運輸各口岸矣。氈毯各業。手藝亦較前爲精進。是則灤縣工業界之起色也。

商 縣屬濱海。其利魚鹽。鹽法自清道光二十年後。改歸官辦。典市肆者皆土

人考其課於州牧鹽無商矣魚則擅其利於濱海大戶爲網鋪資本巨萬所息亦有豐歉豐則謂之熟海其餘河流淀港蒲葦魚蝦之利遠不逮也行商作賈惟糧客爲最盛昔自遷安之建昌營運口外之糧由陸路委輸開平以糶於西南郡縣之不足者也至道光初年始改由灤河用梭船運八溝之糧委積於城內以糶於四境之不足者也而城南八社尤賴之自咸豐年後大莊河民船出海自運關東之糧接濟沿海一帶糧價稍平灤人習賈在本地者十之二三赴關東者十之六七瀋陽吉林黑龍江三省之地皆至焉雖遠賈必歸鮮流寓於外者每歲獲資以贍家口是以賈補農之不足也志舊民國以來沿襲未改屬以戰事頻仍賈於外者漸少邑民經濟受其影響矣以上人民職業

冠 冠爲古禮晚世罕舉行者故闕焉弗述

婚 邑俗喜襁褓論婚矜甚者乃必俟諸痘後然未有過十歲不論婚者雖貧窶小家間有俟男女成立始兩相訂媾然十只一二土俗乏專司媒妁之役者

灤縣志

卷四

人民風俗習尚

三

凡議婚或男先女或女先男必煩親友執柯事諧則男家以釵釧一二事付媒送女家謂之定親禮有舉媒酒禮冰人觴兩家主婚者以撮合之有謝酒禮男女兩家各置酒以謝冰人有過啟禮男女用紅柬書攀親套語伴以細彩首飾鷄鴨茶酒之類舁送女家女家亦有答禮謂之曰回啟今則嫌其繁重每男女定媾祇互換庚帖而已有會親禮男家邀女家之主婚者盛筵以酬酢之冰人先在主人飾其子行跪拜禮謂之謝媾鄉村謂此爲換鍾言賓主酬酢互飲其杯耳有催妝禮於婚嫁前一兩月由男家選期簽書男女行年嫁娶日宜忌置檯內並以棗栗餅餌茶果酒米鷄鴨魚肉之類實之送女家然稱家之有無亦多有不備物者女家回以餅餌胾酪木炭之屬取義鄙俚無深意焉及婚州俗不親迎謂之等親預延男女戚眷爲取親客導以鼓吹飾五彩肩輿隨其後率用辰巳午三時往迎女女家亦請男婦偕來謂之送親客所備妝奩什器俱隨新婦彩輿之後至門主人肅客人卽闔其門停彩輿於門側少時鼓吹大作爆

竹齊鳴門開用女僮二人出新婦於彩輿婦先以紅帕羣首莫能平視至是遞寶瓶於其手瓶必雙內實五穀金銀使執之鋪紅氍毹兩女僮扶新婦行其上復各執麵羅罩其頂謂之罩紅沙實卽絲羅意也堂上設香案爲天地神祇位供以香燭酒筵引新婦案前立於右墻拜於左亦有男女齊拜者稱爲拜天地女僮扶新人入房置寶瓶供於案新人乃改妝俗謂上頭堂前衆賓喧闐爲主人拜賀主人各答禮肅客飲讌以女家送親客爲上賓讌畢女家男女客必至新室相攸主人另設几筵以饗客客起辭主人送客出衆賓始散昏具晚膳有子孫醇醇長壽麵等名男女始合盃焉鋪牀後婢媪卽持燭去俗以滅燭爲忌故屏燭耳新婦入房安坐三日謂之坐福廟見後始拜翁姑上下以次接見謂之拜三第四日女家並其媼黨具儀偕來謂之作四日午後迎女並媼歸謂之回門明日媼拜岳父母以次畢仍攜婦歸於家亦有流連三四日始歸者以上各禮俗皆通行之有稍異者不過豐儉不齊而已至郡志所稱女索重聘男責厚奩

灤縣志

卷四

人民風俗習尚

四

云云或有女家貧不能度鬻婚以責厚資者謂之財禮錢如此甚寥寥至男責厚奩則無聞焉多有男女及時未及婚嫁遽遭喪故中饋乏人變禮而娶謂之孝婦或因聘定之女幼弱無依竟不娶先歸待年成禮謂之童養媳是皆非禮之禮不以禮概之也可灤俗重然諾許婚後雖未及行聘或媒妁彫謝恒及時嫁娶從無悔婚者邇來風少衰清光緒元年州人有以賴婚訟者

州牧唐公世祿詰以婚書媒妁而無之置之不理焉後訪知州俗時有并無婚書媒妁而結媼親者公訝其草率乃示曉諭並頒行婚書格式使民簡而易從然積重難返也

謹按班孟堅云婚姻之禮廢則夫婦之道苦見漢書禮樂志斯言也若犀照千載

下之流弊者近世青年男女誤解自由未見幸福徒罹弊害或離婚而訟累或失戀而自殺固緣當事執迷良以防閑盡潰非禮無義尙何論乎貞操寡廉鮮耻猶復文明自詡未結婚而同居甫結婚而離異甚者停彼糟糠另結新愛違法律悖道德灤非通都亦染斯習如火燎原不可嚮邇回思班氏之言暨有感今政府提倡禮義廉恥之說不禁廢書三歎也

喪喪則親始死稱家有無務厚其衣衾含斂畢舁之於牀焚冥鏹於盆然燈

竈前撫尸哀號躡踊哭而奔詣五道廟昏晝均以燭行哭而來復哭而返凡三次俱焚冥鏹謂之報廟男女成服後親友始以信聞謂之報喪至二三日親友畢至始蓋棺卽小斂也及昏行送路禮略具芻車紙人稽馬等物然燈於路明於白晝先用素帛或紙裁縷而縛其本如帚形俗謂之拖魂樹主者持之親友護送羣舁冥器鼓吹至廟居城則赴城隍廟住鄉各赴五道廟於神前焚楮畢主者以拖魂樹繞地而祝謂招魂也另設位於廟側主者奉樹安於位供以酒茗果盒以意爲亡者櫛沐畢伏於側親友以次叩拜謂之餞行餞訖主者以袂藉樹出至歧路乃置芻車中並冥器焚焉泥首以謝送者乃號哭返自斂後晝夜靈前然燈男婦昏旦哭臨每飯必祭過七日始掩柩卽大斂也其葬期或一月或二三月踰歲者恆少此指富有之家貧者死後三五日即葬矣選擇時日預邀親友代喪家主事呼爲總理公司職事謂之執客以蘆蓆爲庭廈陳設務極整齊門內外備陳冥用之車馬僕隸杯盞庫厨等物象形惟肖其側列竈爲厨魚肉如林珍錯充牣庖人數十刀砧

灤縣志

卷四

人民風俗習尚

五

聲聞於外所費貲以千萬計有竭財罄產以爲悅者至受弔日謂之開弔懸旛於門左主喪者荆杖梁冠麻衣博袖喪家男婦及至戚皆著白袍親友各具賻儀往弔其迎客送客引弔謝孝讓蓆勸酒等禮節皆倚執客爲儷相焉稱爲落忙稍侈者又延僧道唸經拜懺簫管鈸鐃相間爲梵樂其聲哀怨有多至三晝夜者日中而祭祭必有文敷陳死者盛德並子孫哀慕狀凡三獻於初獻後讀之另延名諸生相禮爲贊引謂之大祭是日或前一日爲木主供柩前預聘耆紳題主呼爲點主官以肩輿鼓吹迎至用吉禮惟主喪者不變服此後又有安主祭加祭發引之前一夕又祭謂之辭靈祭喪家男婦通夕伴靈謂之坐夜葬日靈車旣駕主喪者捧盆即焚冥鏹者也執長旛招魂哀泣望棺倒引裂紅繒爲銘旌金字大書亡者銜名年歲在前先發所用儀仗稱其流品雜以旛繖五色交錯凡飾葬之物均執而隨之喪家婦女巾車哭送在後沿路親友設凡筵以祭謂之路祭至塋懸棺而祭乃焚冥資冥器於塋側主者投冠杖衰麻於壙鋪銘旌

於棺上置食罐於棺前。乃窆焉。凡新塋則祀后土。延武職官主祭。既畢。率其卒伍。張弓挾矢。躍馬繞塋。三帀而去。有回靈祭。發引時。並載木主而往。至是謂之回靈。以肩輿奉主。仍用儀仗。鼓吹而歸。歸必有虞祭。謂之回靈祭。三日後。子孫詣冢。培土增高。略陳牲醴。必焚冥鏹。謂之圓墳。而葬事畢矣。

謹按近日風俗。多趨重喪禮。而不重婚禮。完婚者。務求樽節。備禮而已。惟遇凶喪。往往矜侈鬪靡。至割產而不惜。其費半銷耗於酒食之間。均無當於哀戚。是不知禮之本也。清光緒中。州牧游公智開。禁革舊習。限以四盤五簋。士紳之家。皆陽奉陰違。畢竟狂瀾莫挽。語云。禮失則求諸野。每見民間喪葬。雖不必盡合古制。而質樸仍存。侈靡者當以爲鑑。

祭 祭吉禮也。喪則有奠無祭。灤俗自初喪迄虞祭。均謂之祭。非古也。夫祭必於廟。今有宗祠者。每歲以清明爲期。牲牢酒醴。品物庶饒。惟備族長率幼輩以祭。此士大夫家則然。其平民無廟者。清明日皆祭於墓。各家培以土。掛紙錢於

灤縣志

卷四

人民風俗習尚

六

上雖至貧賤。至日亦必隻鷄麥飯。跪拜於墓前。中元節復詣墓。薦以酒果。新喪則謂之瓜祭。又曰麻穀。言穀既新升。麻又早熟。薦新也。十月朔再祭於墓。焚冥衣。謂之送寒衣。歲終或正月二三日。焚楮帛於墓。除夕必祭其先於家。品物較他時爲豐備。蓋歲有四祭焉。士人值祖父母父母忌辰。則祭。農商家亦有知此禮者。

右爲舊俗。民國以來。祭禮仍前未改。婚喪間用新式。婚禮分結婚。謁見二層。結婚時由雙方公推一人司儀。本地有望聲者一人証婚。復由雙方親長中各推定一人主婚。雙方父母或保護人爲當然主婚。無父母或無保護人者。則由雙方親長中推定之。屆時與新郎新娘介紹人

來賓。同入禮堂。由証婚人宣讀証婚書。新郎新娘蓋章。証婚人主婚人。以次蓋章。畢。新郎新娘相向立。互行三鞠躬禮。并交換戒指。復由証婚人致箴詞。主婚人致訓詞。來賓致賀詞。主婚人致謝詞。至是新郎新娘向各參禮人答謝。行三鞠躬禮。當禮之開始告終。暨新郎新娘互向行禮時。均奏樂。謁見禮卽於當日

舉行不同舊禮之在婚娶翌日或在三日廟見後也。謁見時新郎新娘向舅姑及外舅姑并男女雙方尊長各行三鞠躬禮。向平輩親戚暨男女親戚全體行相見禮。一鞠躬而禮畢矣。喪禮率沿舊制較前稍異者則爲黑紗與花圈也。男子左腕圍黑紗女子胸際綴黑紗結是爲新制。仿自歐西。伊考實際用者無多。喪家男女仍著白袍。至花圈供奉靈座則數見不鮮矣。

廟會 古者年豐人樂。禮有報賽。灤俗於每歲舉之。謂之廟會。其會各有定期。在城之會。城隍廟爲大。五月十三日。十月一日。皆有會。在鄉之會。寺爲大。社必有寺。凡在社內大小村莊共奉一寺之香火。俗謂之風光。董事人謂之會首。寺會多在四五月間。如四月初八十八二十八等日。五月初五十三十七等日。至期演雜劇。陳百貨。男女雜沓。執香花詣廟求福。煙燄漲天。鐘磬聲不絕。各村又飾兒童爲百戲。執戈揚盾。如儼狀。導以旛幢。肅以儀仗。鉦鼓喧闐。衣冠者一人。背黃袱而垂其兩端。若綫蓋神之畫像。並進香者姓名榜文也。後擁大纛。尾以

灤縣志

卷四

人民風俗習尚

七

金鼓鈸鑼。搥吹聒耳。挨村迂繞。跳舞謳歌。一一呈態畢。始詣廟鳴爆。讀榜化像。焚香觀者蜂擁。蟻簇。婦女登巢車以望。舉國若狂。左氏傳云。公如齊觀社。想卽其遺意也。一社之會。一日之間。如是者或十數迄。糜費無算。此外又有各村所自主之廟神。各有誕期。多荒謬不經。其村或遇誕日。演戲爲會。藉以申明條約。如縱鷄豚牛羊傷稼。及婦女兒童竊禾等類。大書禁止。違則有罰。強半富庶村莊。乃爾亦不必按年舉行。間有因旱蝗雨澇。入廟祈禱。竟不至成災者。亦演劇以賽。無定期。舊志

謹按觀廟會之盛衰。知農村之榮枯。灤於平榆間爲重鎮。河北關東有軍事行動。灤必受其害。年來兵燹迭遭。農村破產。一般鄉民救死不贍。報賽之舉。微特無其興致。亦實乏其財力。間有舉者。大異曩昔。從可知農村經

濟之衰落矣。

以上人民禮俗

(三)生活狀況

編者按倉廩實而民知禮義。衣食足而民知榮辱。此謀國者必以厚生爲先務也。我灤素稱富庶之區。民國肇興。內闕迭起。賦稅苛重。供億浩繁。以致野無蓋藏。戶鮮儲蓄。民生凋敝盡矣。猶幸比歲田穀稍登。未遭荒歉。吾民得以未轉溝壑者。賴有此耳。關心民瘼者。其有以救濟之。

衣 灤俗尚儉。民多衣布。布有兩種。棉線織者曰棉花線布。洋紗織者曰洋線布。皆居民自製。舊志謂婦女少艷妝。皆衣布。多出自手織。女自勝衣後。卽課以紡績。稍長則學織。不尚繡工。比戶機聲。軋軋無飽食嬉戲者。此種美風。至今未泯。間有衣絲織品。或毛織品。則服務於機關。暨酬酢於慶弔者也。冠履亦尚質樸。夏戴草帽。尤以居民用蓆篾編者。俗呼涼帽。價最低廉。爲大宗。冬戴瓜皮帽。以布或緞製之。戴皮帽者無多。履多出自女工。購自市肆者十不二三。灤境氣候頗適。夏無酷暑。冬無祁寒。無皮衣者。被縣均可禦冬。故衣裘者。率富家暨公務人員。普通鄉民則罕見云。

灤縣志

卷四

人民生活狀況

八

食 縣俗飲食最儉。冬夏皆飲水。非世家商賈無飲茶者。其食皆以粥。貧者粟不舂而碎之。以粳。謂之破米粥。小康之家。思儉約者亦多效之。遇農作時。則易之以高粱米。煮半熟。冷水淘之。堅如石子。非此不下咽。謂之換飯。值令節。乃豐其饌。下逮傭作。酒肉皆恣飲。啖無吝焉。性獨嗜酒。雖窮鄉僻壤。皆家藏酒。以備不時之需。遇親友過從。必酬酢。以盡量爲敬。舊志。

謹按以上爲三十年前之狀況。近來鄉村飲食。一如往昔。惟城市則日趨侈靡。卽以飯館論。清光緒末年。縣城中尚無所謂飯館。近則多至十許處。酒席價最昂者。每桌須十七八元。生活程度高歟。抑由儉入奢歟。際此農村破產。民生產力薄弱時期。宜力崇儉素。以挽頽風云。

住 住屋覆茅覆瓦之外。有以灰土代瓦。而平其屋頂者。曰土平房。居城市者多瓦房。居鄉村者多茅土房。均有牆有籬。有院落。豬圈牛棚。錯落安置。弟兄分

家則異院。民多土著。人不雜處。故俗齊。舊志。

行。灤縣水陸交通。尚屬便利。蓋緣北寧路由西入境。通過灤河。河流經城東。直入南海。以故貿遷行旅。均不遲滯。陸行載重者。有鐵瓦車。俗曰大車。周輪。附以鐵瓦。

故名。供農事暨運輸商貨之用。有轎車。俗曰小車子。供行旅及慶弔應酬之用。近

車站處多土馬路。故有人力車。腳踏車之往來。由縣城抵樂亭。有長途汽車。惟道途凹凸。祇能於春冬行駛。夏秋積潦。泥濘難行。現已修築馬路。此外有棚子車。即鐵瓦車。上架蓆為棚。內懸圍巾。用時則縛置車上。不用則解而懸之。農家多用以供慶弔之往來。車馬之外。旅行多騎驢者。一鞭得得。日可百里程云。特殊情狀二則

一灤民衣食向稱儉素。近攷鄉村舊風未改。惟城市暨沿路線礦區等處。每見有不士不農不工不商。行爲闊綽。舉動輕浮。夏葛冬裘。饜飶梁肉。叩其家世。本非富有。殆即所謂游民。為社會之蠹者歟。此種人雖不足以代表灤俗。實足影響灤俗。夫游閒原於無業。無業率由失學。不能不賴教育實業二者以救濟之也。

二花會嗎啡海洛英。實為灤縣社會病態之來源。花會昔亦有之。然多秘密行動。且在僻遠各村。近則流行於各地矣。染者傾家蕩產。頹志失節。無所不至。嗎啡海洛英為毒化之利器。其為害也。尤甚於鴉片。而嗜者甘之如飴。速其死亡。居恆則麻袋其衣服。破廟其住室。囚喪其面目。盜賊其行爲。遇冬寒轉死溝壑。雖國法所厲禁。猶數見而不鮮。此風不除。社會之病態莫由愈也。

(四)歲時

編者按國家要政首重授時故戴記著月令之篇毛詩載豳風之什自帝堯欽命羲和歷代法之東作西成垂之令典近代北京歲華錄帝京景物略各書要皆本此而紀四時之令序誌一歲之初終而郡縣志乘亦悉倣此而筆之於冊良有以也民國紀元改用陽歷冀東鄉間猶沿用舊臘習俗之入人深矣

立春先一日城內文武官員迎春於東關祀句芒神禮畢迎神以歸安神於縣署大門內西向立春時詣神行禮畢鼓吹以鞭土牛遂磔焉俗謂之撻春此歷代舊制也民國不復舉行

春以下月日均按夏歷便記舊俗也

元旦日食必水角全境皆然居鄉者各具衣冠攜童穉戚里互賀俗曰拜年城內多不舉行除日家家詣墓行禮焚紙錢謂之上墳十四五六日名元宵節昔年城內

灤縣志

卷四

人民歲時

一

通衢張燈三夜紮縛松枝作牌坊其上滿懸燈火高者城外可見近年祇以街頭懸燈間或聞爆竹聲非復昔時之景象矣鄉村多於是時作鞦韆戲二十五日俗曰老鼠會親家家於黎明為黍飯以祭而填倉之名以起凡女之新嫁者恆於前數日由母家搜米為團持送女歸意謂壻家倉廩有為鼠所耗者以此可填之使滿也其愚誕可笑如此

二月初二日謂之龍抬頭日言百蟲啟蟄也以米豆粉為糊油煎之而食謂之煎蟲蟲畏油也婦女停鍼綫懼穿龍頭祝科第也先期俗必迎女歸寧謂之住春月內桃杏無花至清明始花桃在杏後農於是月種大麥小麥較秋種者晚熟十餘日

接換花果樹木凍解冰開河鮮海鮮相繼上市

三月始聞雷聲俗謂頭雷計滿百日河水即當盛漲蠶子聞雷即出灤俗以清明日為寒食節傭作輟功男女各詣其祖墓祭掃

夏

四月初八日爲浴佛會。婦女入寺燒香。十八日祀天仙聖母。俗曰娘娘。二十八日祀藥王。各就其附近之廟寺舉行之。昔時視爲盛典。今則不盡然矣。凡女之新嫁者。必於月杪迎歸。俗謂躲端五。

五月繭絲鬻於市。初一日比戶翦紅紙爲葫蘆形。徧貼戶牖。並插桃符於其上。俗傳可以避瘟。初五日門窗插艾。飲雄黃酒。作角黍。戚友或相餽贈。傭作輟功。兒童率用碎繒作小荷包。於初一日戴之。至是棄而投之河中。昔時端午節。各處廟會極盛。偏涼汀有小聖廟會。婦女游觀者俱以舟。釵光衫影。滉漾水中。沿岸則急管繁絃。俳優演劇。旁列市肆。其熱如蒸。幾不知何處爲清涼世界。惟松翠間有傑閣參差。嵌於崖隙。卽偏涼虛閣也。好事者多於此行。厨置酒。歡呼爲樂。流連竟日始歸。凡廟會以是月偏涼汀爲最。近年端午節。四鄉或有開廟會者。偏涼汀小聖廟會。念餘年不開辦矣。六月早禾已含秀。冒暑鋤田。揮汗如雨。爲農夫最苦時期。治田略暇。始與家人嘗麥。麥於五月登場。至是始治麪食。俗

灤縣志

卷四

人民歲時

一一

謂之過麥收。月之下旬。早糜卽有熟者。黍必交處。暑始熟。田野陂陀之上。多童穉。牧牛馬者。蓋是時草盛。畜閒也。

秋
七月棉見朵。黍登場。農家必置酒食以餉傭。作謂之開鎌。初七日俗傳織女渡河。前清時代。女子設瓜果祀織女星。以乞巧。今已不見。十五日爲中元節。祭祖墓。過處暑十日。新穀卽可登場。女之新嫁住母家者。率於是月送歸夫家。俗謂送六月。

八月禾稼登場。農家忙迫。初一日爲黍飯。以祀風神。祈簸揚得風力也。十五日爲中秋節。具酒食歡飲。備果品月餅賞月。比鄰攜酒相徵逐。每至夜分。乃罷。想見昔年昇平景象。近則僅備食物而已。九月初九日。謂之重陽節。文人墨客。多攜酒登高。賦詩暢飲。以爲樂。十七日俗傳爲財神聖誕日。商賈咸置酒食。以慶祝祭神。必牛羊肉。無用豬肉者。田功始畢。農家散其傭。作醃菹藏蔬。以禦冬焉。

近年產花生之區。每延至十月初始散傭作。

冬

十月初一日為下元節。詣墓焚紙。裸冥衣。謂之送寒衣。是月多嫁娶。

十一月風霜凜冽。草木彫零。農乃作窟室。以桑條為筐。篔簹為簞。為帚。老稚篝燈。檢棉而去其梗。以為田家急務。即于茅索絢意也。按舊志。農家劈糝碎。疏為火具。亦在是月。近今火柴通行。不復為此。富有之家。每於冬至日作餛飩。為食。取天開於子。混沌初分。人食之。可益聰明意。

十二月初八日。以六穀雜棗栗。煮粥。曰臘八粥。二十三日。謂之過小年。凡女之嫁者。無新故。均於先期歸夫家。二十四日。俗傳是日竈神籍人功過。上聞於玉皇大帝。先一夕於竈所為位。設醴焚香。以錫黏於竈口。謂膠之。即不言人善惡也。名曰祭竈。此禮至今猶存。田家粉糜黍蒸餅藏之。備正月間食用。親戚亦相餽遺。各處俱掃室宇。糊窗壁。鄉村尚多糊門神春聯者。城中已不見。商賈一歲

灤縣志

卷四

人民歲時

一一

所逋者。至是乃盡追之。呼益急。至除夕夜分始罷。除夕。人家通夜設燈燭。謂之照窮耗。並有揭燈於竿。其光遠燭。謂之點天燈。男女通夜不寐。謂之守歲。布芝麻糶於路。人往來其上。使有聲。謂之踏碎。親屬相為禮。謂之辭歲。於鷄鳴時。乃爇香燭。列鼎俎。供黍稷。實豆籩。以迓天神。而虔祀焉。爆竹之聲。比戶相連。不斷。謂之接神。另布几筵。以祀祖先。然後詣各廟拈香。又有各就所居之方位。焚香道左。謂之迎喜神。除夕守歲。供神祀祖。鄉村大都依舊。城市則惟祀祖。間有供神者。亦非昔時之景況。但聞爆竹幾聲而已。

以上參錄舊志。清學正左喬林海陽竹枝祠云。元宵花鼓嚮東東。士女歡

騰慶歲豐。點綴太平春。富貴滿城火。樹月鐙紅。紅粉遊春。繡縠滿身。花影不須扶。歸來笑問金錢卜。階下焚香拜紫姑。張鐙作戲。調翻新。顧影徘徊。卻逼真。環佩珊珊。蓮步穩。帳前活見李夫人。百花生日。是花朝。踏過城南。花港橋。行到杏花村。十里花中都是酒。旗飄十二欄干。拂綠楊。長春淀裏。落鴛鴦。鞦韆搖曳。誰家院。牆角風來笑語香。高峰妮嬾。七哥山。輦浪濼。酒澆一徑斜。陽人散後。棠柳香車。十里詠關。山南山北。墓田遙。好是清明。濁酒澆。一徑斜。陽人散後。棠梨花。冷紙錢。飄三篙新水。蔚藍天。斜挂蒲帆。鴨嘴船。花港橋。頭花港寺。香風四月放紅蓮。舟車絡繹。接榆關。行李恩恩。日往還。篷背秋霜。榛子鎮。馬頭春色。杏兒山。城市歸來。日未斜。黃團紅縐。鳴深巷。鴛機聲。軋軋木棉枝。上月三更。鯉田家婦。織佐夫。耕不待西風。絡緯鳴。深巷鴛機聲。軋軋木棉枝。上月三更。鯉

魚風信自關來重九樽筵處處開臂繫茱萸頭插菊登高齊上漢皇臺自註云
花港橋在城南蓮臺東長春淀在城西南灤志女子春日多架鞦韆為戲七哥山
在城西上有聖泉居者多產七男七姐灣在城西南志云嫁娶用五綵肩輿迎女
親迎者少花港在城西南榛子鎮在城西杏兒山在城西北麻灣菱角山在城西
南村名漢武臺在城西
西唐太宗征遼次此

邑人朱赫南榛子鎮新年竹枝詞云玉案梅花繭雪繅仙根卻託武陵桃多情為
製冰綃帳莫遣風姨試剪刀吾鄉梅花多以桃根移接一相邀春酒樂如何
魚膾蝦羹未足多昨日鄰家嘗橘柚阿姨笑玉郎偶步西南約略東輦紅塵裏
今日拜爺娘淺斟春酒休沈醉恐被晚風一肩挑到小樓西棗栗檳榔價不
噪兒童綵絲繫得雙蝴蝶送入層霄倩晚風一路竈神歸薦膠牙絳蠟輝未
齊更有貨郎來比巷聲聲高唱紫條梨麥秋未至朔風涼吹去鄰家餅餌香最
飲屠蘇除夜酒小年爭似大年肥前以黍禾麪為鑄鑄農家以此為重一
農忙改歲饌早巳熟黃梁（立春前）黍禾麪為鑄鑄農家以此為重一
光婪尾物華更擔盒人拜祖塋共道今年春氣早紙錢風暖似清明後雙鬢碎
步午階初悄語窗前翠黛舒道是阿娘問阿婿一籃餽兩鱸魚（臘月三親朋
互相餽遺而母於女家則有往無來紅燭雙輝蘆席地蓮臺漏下過三衣
冠肅拜迎神候逢聽家爆竹聲（除夕作小席棚以祀天地）自除夜即以俗所
謂五道廟者燒香至初五日止又自十四日燒香至十六日止）綫香一柱煖
煙浮刺印紅箋處投觀面相遭非熟識也開笑口拜街頭（賀節者多燃料香
一支印紅箋數十家投遞路遇不相識者亦躬身拜賀）朝餐水角醉春醅
到處逢迎笑口開鷄舌無香含舌底暗中氣息逼人來東家纔過又西家門煖
桃符手自搗任有相如千日渴閉門不讓一盃茶（元旦後叩門多應以不敢當

灤

縣志

卷四

人民歲時

隨云不讓吃茶了（歲除巳過歲華增遙指織纖月一棱偏是山家饒夜景青
松高處又然燈（家立松竿上懸燈籠謂之天燈）瞥眼春回雪月天東風送
暖入新年家家添得看花福碧玉盆中供水仙（十五演戲院落戲村姑蹴鞠兒童沽
酒偕何事二分無賴月偏從博局照呼盧（十五演戲相聚呼盧者尤衆）花
姑偕伴踏香街火樹燈輪處處皆立久不知春月冷夜深侵透鳳頭鞋（花燈之
夕男女雜沓更深不散最為惡習）村童十五擢雙蛾髻壓雲鬟袂曳羅檀板
輕敲開素口秧歌唱罷又蓮歌（俗以童子白哲者飾以脂粉歌舞謂之秧歌又
扮採蓮船諸戲）鐵板銅琶舊調翻霓裳新譜演梨園當時唱出朝天子一片
歌聲樂上元

謹按右錄詩詞想見時代承平四民安居樂業氣象我生不辰頻年喪亂
回首前塵杳如天上矣

(五)金融

編者按近年灤縣市面金融異常緊迫。推厥主因。半由屢遭兵燹。地方損失過鉅。年復一年。馴至破產。半由民風侈靡。儲蓄性日見減殺。生產力弱。消費力強。日常所需多舶來品。金錢外溢。無術挽回。有此二因。邑民經濟奇窘。富歲已難維持生計。一遇凶歲。則告貸無門。拮据萬狀。挽救之方。談何容易。必也生衆食寡。爲疾用舒。準生財之原則。開源節流。休養生息。期之數年。國家無戰爭之擾。人民返勤儉之風。庶地方元氣漸復。農村事業復興。周轉靈活。貿易無滯。經濟既不恐慌。金融自不緊迫矣。

制錢 灤縣市面制錢早已絕迹。以其用法特殊。故按舊志所載節錄梗概。庶留心幣制者。知灤縣貨幣史上。有这一段特殊之錢法也。其法以一當六。每錢二文。作一十。若三文則作二十。若五文則作三十。若六文則作四十。若八文則作五十。若十文則作六十矣。故云以一當六也。至十二文則作七十。至十三文

灤縣志

卷四

人民金融

一四

則作八十。至十五文則作九十。至十六文便作一百。每十字皆讀若成。蓋轉音也。既以十六文爲一百矣。則每錢二百。計數當三十二文。而灤錢乃以三十三文爲二百。既以三十三文爲二百。至四百其實數當六十六文。而灤錢乃以六十五文作四百。此誠理之不可解者。每錢二千爲一串。每串之內。必如六十五文者。凡四。如三十三文者。凡二分三節。下兩節左右各六十五文。上一節左右各三十三文。此昔時縣城市面所通行者。亦莫詳其錢法所自始。俗傳唐代征高麗時。刻扣軍糧所致。理或然歟。不可考矣。以上參錄舊志

現銀 曩年灤縣市面所流通者爲松江銀塊。用時不加色。至五兩錠子銀。暨十兩或五十兩寶銀。則另議加色。清光緒二十六年時。每兩僅換灤錢六吊。上下嗣以銅圓入境。銀價漸漲。至光緒三十年時。每兩可換灤錢十二吊。有奇。民國以來。銀圓暢行。則不復用現銀矣。

銅圓 清光緒二十八年時。銅圓流入灤境。至光緒二十九年。市面暢行。當制

錢十枚者居多數。當二十枚者無多。俗謂大銅子。尚有當五枚二枚一枚之小銅圓。為交易時找零之用。近年通用者。則惟當二十枚之大銅圓。餘則絕無而僅有矣。

紙幣 有清季世。灤縣商號發行紙幣者頗多。俗呼錢帖。其額面則為灤錢十吊。或

二十吊不等。當時如開平慶豐錢帖。最為鄉民信用。至光緒末年。市面上即不多見。嗣以中交兩

銀行鈔票通行灤市。而昔日之錢帖。遂絕迹矣。公家亦取締商家私出紙幣。整飭幣制。

銀圓 清光緒十七八年時。銀圓入我灤境。每圓僅換灤錢四吊。後改用銀圓。

銀圓價格暴漲。光緒二十八年時。可換灤錢八吊。近年銅圓充斥。銀圓價愈昂。

貴。每圓可換當十銅圓六百枚。合灤錢三十吊。有奇。灤市通用之銀圓有數種。

最初所用多老鷹。墨西哥造。曰北洋造。曰造幣廠造。曰北洋機器局。曰大清銀幣。曰

站人洋圓。曰中華民國新幣。以上均稱正牌。至一角二角之小洋。及雜牌大洋。灤習以奉天吉

林湖北各省所鑄者為雜牌。

灤市已不多見。偶有用者。則當八扣。

(六) 宗教

編者按。宗教者。以神道設教。立誠約。訂信條。令教徒崇奉信仰。冀以宏廣其流傳者也。吾國對於宗教。予人民以信仰之自由。向不施以命令。或禁止。良以各類宗教。大致不外導人爲善。本其善而信守之。初無妨於國情民俗也。回教又稱天方教。自隋代入中國。大旨重清潔。耐勤苦。氣類特殊。其族居灤境者。世代遵守其教。不外傳。乏興衰之可述。釋道二教。流傳最古。教旨純駁。早有定論。惟在灤之教徒。眇能發揮真諦。或至不守教規。致失人民信仰。奚怪今日之式微也哉。天主耶穌。後先傳入境內。近且立有學校醫院。入境之始。鄉民不悉底蘊。向背不一。向者或不審其所以。可信背者肆口譏誚。多失其平。庚子拳匪亂後。民教相安。而教務日盛。茲就各教在灤之近况。略述如左。

回教 回民在灤境者約三百餘戶。二千餘口。分駐縣城古冶殷各莊。夏莊開

灤縣志

卷四

人民 宗教 寺觀

一六

平唐山等處。凡住在之處。均有清真寺。建於清乾隆初年。寺內聘有教長。司講經婚喪儀注等事。附設阿拉伯文學校。回民職業。各界均有。工商爲多。清代有入文武庠者。近有畢業於各學校者。其禮俗。每歲守齋一月。每日禮拜五時。飲食尚清潔。頗講衛生云。

釋教 灤境佛寺雖多。惟無高僧卓錫。據金石可考者。廣福寺。在南關。蓮臺寺。在城南。

南三十里。延慶寺。在城南。長凝鎮。等均建自唐時。則釋教入境年代。自可想見。今寺院多改

建學校。香火地。率改充學款。浮屠子弟。全境僅二十餘人。其平居功課。晨昏奉香誦經。以時四出化緣。喪家有延作佛事者。

附寺觀

廣福寺。在南關。東。唐時。建。今廢。

石佛寺。一在偏涼汀。明景泰三年建。已半就頹廢。一在白道子莊。清康熙四十年。重修。一在司家營。明萬曆十四年。建。原有香火地。一頃。三十七畝。今寺內設有初級小學校。一在王盼莊。內有石佛四尊。泰安十八年。建。原有香火地。一頃。三十畝。參錄舊志。

南法寶寺。在法寶莊。明萬曆十二年。原有香火地。

邑人薛富春重修法寶寺碑記云。蓋聞經傳貝葉。法門高。清淨之風。湧蓮花。寶地現莊嚴之象。以故園稱歡喜。永駐法輪。教闡浮提。常然寶燭。法雲慧日。覆萬類。以被羣生。寶筏金繩。渡迷津。而開覺路。此所以表神功於法界。明德以薦馨香。建佛宇於寶壇。盛服如左。右也。州城南有法寶寺。者東環灤水。北對巖山。南連邱壑。之雄西盡林泉。之美峰不高。而平坦。恍到蓬萊。林不密。而清幽。如登方丈。當禪關。畫永丈室。春深。滿山散楊柳。和風隔院。過杏花。微雨。清簾。與疎簾。俱靜。夏景。偏宜。白雲共黃葉。齊飛。秋光亦好。撫廟前古柏。不知幾。歷冬。寒看嶺上梅花。又是。半含春意。領四時之佳趣。觀月上松間。悟三昧之真傳。常見舟行。畫裏。洵屬禪之奧境。實為佛國之名山矣。粵自太和歲始。法堂已創。其規模。迄於正德年間。寶殿又增。其式廓。至我朝。雖屢經補築。不難除舊而更新。乃多歷年華。遂至垣頽。而壁壞。惟是址基。既立。必將興之。縱然屋宇。舊殘。莫敢廢也。茲因董事諸人。共襄盛舉。好施之士。咸樂重修。業腋集以成裘。頗饒資用。將道謀而築室。敢憚勤勞。念締造之維艱。殿址。第由夫舊。仰神靈之有赫。堂基。聿啓其新。雖少翬飛。鳥革之華。差同鹿苑。雞園之勝。仰瞻法宇。棟樑生輪奐之光。翹企寶幢。庭院壯輝煌之色。因善而忘倦。自相與以有成。所願經寫法華。羣沾法雨。香焚寶鼎。大啓寶坊。爰記其事。以表厥功。亦勒諸珉。以彰此善。云爾。清光緒八年秋七月。

大雲寺。在古馬莊。清康熙十一年建。

慶壽寺。在周家官寨。明萬曆間建。

道院寺。在榆子林莊。清康熙二十七年建。民國元年重修。原有香火地六十二畝。今寺內設初級小學校。

灤

縣志

卷四

人民 宗教 寺觀

興龍寺。一在高各莊。明正德二年重修。一在永登屯繩家莊。

興隆寺。一在豐腴屯前龍塘。原有香火地八十畝。一在永豐社李家寺。原有香火地一頃。

青龍寺。一在黃家河。清康熙二十二年重修。一在佛家住山。北明萬曆八年建。

雲居寺。一在齊冢寺莊。金大定年。建一在永登社蟲兒林莊。原有香火地三畝。

龍泉寺。一在王冢坨。明崇正十一年重修。一在豐腴屯社李莊。連雲神廟。原有家過道。原有香火地一頃。一在王冢社趙家莊。原有香火地一頃。一在曹口社劉

在花港社南陽莊。清雍正元年重修。原有香火地一頃。五十五畝。今設初級小學校。一在楊家套。原有香火地一頃。一在扒齒港鎮孫家莊。清光緒七年重修。內有初級小學校。一在開平鎮康各莊。明成化年間建。一在倂城鎮壯里莊。參錄舊志。

福盛寺。在馬谷塘。今廢。

福勝寺。一在司二社蘭坨莊。原有香火地一頃七十畝。今設完全小學校。一在土兒社杜家土兒莊。原有香火地四十八畝。一在李家莊社程家莊。原有香火地九十六畝。參錄舊志。

臥如寺。一在曾家灣。清嘉慶七年重修。一在姚莊社解家莊。營城莊。原有香火地一頃十八畝。舊志。

遼太康七年。臥如寺碑記云。大遼義豐縣榆子林西堡。曾家灣。臥如院。都維社。李守民。武清縣南張村。講經業論沙門行闡撰書。伏以金容殄影。權方終于天竺。王

偈流芳適化被于支祈自明帝之夢神人泊摩騰之賚梵筴諦信者證無生而超
三界偈依者獲不退而淨六根實可謂登覺山之梯陞運苦海之舟航福國佑民
其來尚矣伏灘今皇帝璿衡御極玉斗乘時程文選入穀之英恤孤頌省刑之詔
禮樂交舉車書混同行大聖之遺風鍾興宗之體東韓西夏貢土產而輸誠南
宋北遼交星燧之虞百代之間一化而契已然集盛遺迹本土資於倉箱之詠壤精
武邊方無燧所謂正覺可以數化而連布政之信鄉也創建清寧福癸卯之
用恢於善果所謂正覺可以數化而連布政之信鄉也創建清寧福癸卯之
年特興太康辛酉之歲以南臨海而布政之信鄉也創建清寧福癸卯之
綺合道環周集四衆以投誠順邑肇從昔迄至今弟守民等特營閭
可植福田修六度之因共結千人之善擇匠焉得魯般之妙丹梁畫棟二營餘
關法席瓦朱簷狀鴛鴦之翼萃之以擇邑肇從昔迄至今弟守民等特營閭
輝空縹緲法相左龕降魔入滅之儀圖地鳩之以歲功斤斧揮風瓘燦燦十景
壁降生說法之相左龕降魔入滅之儀圖地鳩之以歲功斤斧揮風瓘燦燦十景
煒燁增華壯製不可殫記但行闡發諦誠懽懽揚之頌謹為銘而弗違數推讓而
樂靈蹤聖概不竭伸庸鄙之情現不測妙難詮爰有清信能勝緣特營香刹像
惕濫隨部伍威震大千應不測妙難詮爰有清信能勝緣特營香刹像
東傳身化百億威震大千應不測妙難詮爰有清信能勝緣特營香刹像
樹福田訪奇探異極巧窮妍經營有漸輪奐增鮮殿安寶相廊秘金編沈檀香剝馥
鐘梵聲聯信解無愧貞珉常鑄歷劫
非墜永世彌堅神功不朽億萬斯年
建佛寺一在興慶社田家廟峰山下清康熙
普德寺五十五年建原有香火地三十畝

灤縣志

卷四 人民 宗教 寺觀

聖雲寺 在宜安社趙家莊南明正德十年建清
聖寧寺 在麥家坨原有香火地四十八畝
花陰寺 在古冶北明建原有香火地六十八畝
寶塔寺 在樂七年寨明建
崇興寺 在崇道屯石各莊明天啓七年建原有香火地十六畝一在狗兒社
火地九十二畝一在姚莊社張家橫坨莊原有香火地二十畝一在香橋北坨連彌陀庵原共有香
壽興寺 在熙紀各莊清修坨莊原有香火地一頃二畝
壽聖寺 在十北柳河社僂城鎮元至正有香火地
延福寺 在康莊司羅各莊原有香火地五十三畝
聖泉寺 在康莊曹口莊明嘉靖九年重修原有香火地六十
龍盤寺 在偏山社七年明嘉靖九年重修
興唐寺 在禮尚莊清嘉
慶十五年重修

興國寺 一在唐山清嘉慶二年重修原有香火地十段一頃三十五畝一在土兒
社喬家清水原有香火地一頃二十畝
在王二社莊家店原有香火地七十畝

普賢寺 在烽火山明
天啓六年建

開覺寺 即橫山寺在城北
五里詳見名勝

輿人王大本重修橫山開覺寺碑記云州北五里許橫山古三陘地也山陽之雨輒穴為井深廣異常相傳龍伏其中余親覽焉形似蛇而頭方迴非蛇也且祈正殿以灰今已歷年十八矣迄未議蓋民力綿而何年咸豐九年不戒於火而正來灤適值亢旱躬率紳民虔禱幾遍羣神而膏屯如故費無所出也歲丙子余奉調水於清冷仰慈雲之布瀟雲壇未撤雨即隨之其偶然也抑我佛之敷施而龍神地薦馨無所盍省鑿歸功於興修之工眾躋余言而土非功務也基廟燬矣舊材易以新環井樹壘石為磴山門配殿莫不煥然改觀工既蒞徵記於余曰禱災禦釋典而龍見於井亦語涉不經祇以厘念民依不曲從民志記曰禱災禦者祀之民之災患孰有大於年穀不登者乎今既捍禦之矣即不祀社稷山川末祀之祀風雲雷雨者祀之諒亦非誣若夫五時八教四三空載不祀社稷山川末以質神明清光緒四年十月知州郭奇中刊立

蠶泊峪寺 在縣城南三里
巖山西麓

灤縣志

卷四

人民 宗教 寺觀

石佛下寺 在縣城南
十三里

神臺寺 在縣城北
二里

蓮臺寺 在縣城南
十里

佛頭寺 在縣城西
八里

延慶寺 在縣城西
三里

沙塢寺 在縣城西
三里

毘盧寺 在縣城西
三里

寶峰寺 在縣城西
三里

紅寺 在縣城西
三里

華嚴寺 一在城西
五里

十八畝

青陽寺 在城南
五十里

勝嚴寺。一在城南五十里于家泊元至

魏峰山壽峰寺。一在城西四十里舊有碑。係

靈陽寺。一在城南六十里周姓重修。今廢。一在王二社李家寺莊。原

永壽寺。一在城西五十里。原有香火地八十三畝。原

永慶寺。一在城西五十里。原有香火地三畝。在松亮社薛各莊。原有香火地十

藥王廟。原共有香火地

十三段。七十三畝四分。

草堂寺。六在城南

宋家莊寺。一在城南六十里。原有香火地八畝。二

廣延寺。一在城西十里。原有香火地二畝。二

華麻寺。一在城西十里。原有香火地八畝。二

大覺寺。一在城西十里。原有香火地八畝。二

隆院寺。一在城西十里。原有香火地八畝。二

西套里寺。一在城南七十

永安寺。一在城西十里。原有香火地八畝。二

延古寺。一在城西十里。原有香火地八畝。二

清涼寺。一在城西十里。原有香火地八畝。二

花港寺。一在城西十里。原有香火地八畝。二

福聖寺。一在城西十里。原有香火地八畝。二

甄窪淀寺。一在城西十里。原有香火地八畝。二

橫坨寺。一在城西十里。原有香火地八畝。二

鴻鴨兒林寺。一在城西十里。原有香火地八畝。二

盧家莊寺。一在城西十里。原有香火地八畝。二

相公寺。一在城西十里。原有香火地八畝。二

洪濟寺。一在城西十里。原有香火地八畝。二

風山寺

在里在遠城八

興福寺

在開平鎮小金大定年

白雲寺

在雲城西九十里建蕭

洪覺寺

在河城西九十里建蕭

臨水院寺

在金城西北十年建

坨里寺

在明城西九年建

香花峪寺

在明城西九年建

龍盤院寺

在里在明城西十年建

觀音寺

在清光緒三鎮贊重修

青蛇寺

在百城南

白寺口寺

在百城西

曾家灣寺

在百城西

水灣寺

在金城西一百一十年建

望海寺

在柏二社劉家崔各莊原有香火地三十畝

海眼寺

在城南三十里樂家營莊原有香火地三十畝今寺內設立小學校香火地改歸

學款

通音寺

在宜安社閨謝莊

杜覺寺

在官一社姜李家

庵房寺

在偏香山李家

接佛寺

在香松地宋家

凝國寺

在香南地七家

增盛寺

在香安地十家

隆聖寺

在香務地一社

眼壽寺

在香司二社十鐵匠莊原有初級小學校

雙泉寺 在偏山東趙家莊西趙家莊連龍

禪林寺 在梅原社窪里莊原一頃二十畝

香花寺 在香地三原莊有香火地六十

普濟寺 在西衛社火地一頃六畝

智慧寺 在獨有香社青地一頃六畝

朝陽寺 在八畝一西社下尤各原有香火地十

黃瞳寺 在香地本社艾園營原有香火地十

大寺 在廣益屯寺上莊有八畝

慶壽寺 在湯家官寨屯

護國寺 在康北柳河

寶峪寺 在康莊屯

望海金山寺 在城南三里莊北昔唐時三藏法師修行寺內

灤

縣志

卷四

人民宗教寺觀

翠花山寺 在城西南翠花山上

姜寺 在姜家莊北今廢

瑤臺寺 在龍灣今廢

雙塔寺 在東缸

古冶北寺 在古冶北里許

以上寺

參錄舊志

白衣庵 在縣城南門外清康熙十年建乾隆十九年重修今已半就頹殘一

在崇本屯高家泡原有香火地二十畝一在梅一社韓新莊原有香火地三十畝一

火地五十畝一在興慶屯子頭原有香火地四十畝一在翠花山原有香火地

一頃十五畝一在黃家疇趙各莊原有香火地十八畝一在花港社董各莊原有香

火地十畝一在永登社石家莊原有香火地二十四畝一在謝各莊原有香火地三

香火地十畝一在廣布屯趙各莊原有香火地三十四畝一在獨二社張海莊原有香

地十八畝一在前任各莊原有香火地三十四畝一在吳家坨社邵家城子原有香

觀音庵。一在東月城內清順治十三年重修。今廢。一在松林莊。清乾隆三十年

一在柳河莊。原有香火地五十畝。一在王輦莊。香火地三十四畝。一在雙柳樹原

有香火地四十畝。今設初級小學。一在長港社小學。莊原有香火地三十畝。一

在稻地鎮。一在王店子鎮。馮家狗兒莊內設初級小學校。一在第八區朱家莊。一

西方庵。在城西南山下。明崇正五年。重修。連

天通庵。在扒齒港。清康熙丁巳年。重修。連

永壽庵。在榮各莊內。設有

龍泉庵。在豐野屯。范家莊。連建佛寺。原共有香火地二十畝。一在八

棲雲庵。在坨子頭。明嘉

勝泉庵。在高平屯。王家莊。拐頭山。明萬歷

朝陽庵。在倉官營。明萬歷四十四年。建。一在柏二社。王家崔各莊。原有香火

社。小王莊。原有香火地十畝。一在孩古社。范家莊。原有香火地一頃。四十畝。一在

曹口社。大官莊。原有香火地二十畝。一在張家大里莊。原有香火地二十九畝。一在

在永登社。水坑莊。原有香火地二十畝。一在賀家莊。原

有香火地四十畝。一在大富各莊。原有香火地十畝。

灤縣志 卷四 人民宗教 寺觀 一三三

彌陀庵。一在城西南八十里。明嘉靖年。建。一在土兒社。麻地莊。連三官廟。原共

狗兒社。東橋北。坨原

阜平庵。一在城南九十里。生理。莊。明嘉靖年。建。一

慈悲廣嗣庵。即清華庵。在東城

萬福庵。一在廣益屯。卑家。店。原有香火地一頃。二十畝。

重興庵。在豐腴屯。汪家。莊。原有香火地二十八畝。

清靜庵。一在南衛社。梁家。營。原有香火地四十三畝。

龍鳳庵。在普利屯。西城。子。莊。連藥王。原有香火地十六畝。

地藏庵。在福平。原。屯。後。地。各。莊。有。香。火。地。二。十。五。畝。一。在。橋。頭。社。西

延福庵。在司火社。蘭。坨。莊。原

永甯庵。在永司火社。張家。莊。原有香火地八畝。一

佛庵。在姚莊。永登社。余家。莊。原有香火地三十三畝。一

庵。在姚莊。共有香火地十四畝。

興隆庵。一在司二社崔家鴻鴨林原有香火地四十畝。一在嘉正屯梁各莊原

有香火地九畝。

福勝庵。在司二社徐家莊。原

永興庵。一在香司二社井兒莊。原

望雲庵。有在香梅二社葛十畝。原

賢壽庵。有在康莊社石家畝。原

普濟庵。在赤口社小水坡。原

萬善庵。在廟北藥柳社香地。原

極樂庵。在帝古鎮。原

青龍庵。在王共王地。原

望海庵。有在香王地。原

淨慾庵。一在香王地。原

淨玉庵。有在獨二社新戶莊。原

灤縣志 卷四 人民宗教寺觀 二四

海陽庵。有在柏香一社八鹽莊。原

興福庵。有在柏香一社八鹽莊。原

復興庵。有在廣布屯海子沿。原

福壽庵。有在北香柳地。原

毘盧庵。有在偏香山魯地。原

平陽庵。有在偏香山魯地。原

清平庵。有在殿聖祠。原

永泉庵。有在香橋七長香。原

延壽庵。有在長春橋頭社。原

靜業庵。有在孩古社。原

祥光庵。有在橋頭社。原

有香火地九畝。

有香火地三畝。

有香火地三畝。

善慶庵 原在橋頭社東王家河
常興庵 十一畝在莊屯曹家口原有香火地二十四畝

永樂庵 在嘉佑屯建州營連關帝廟原有香火地

三教庵 在長春社魯地十畝
常明庵 在橋頭社劉家屯原有香火

流水庵 在姚尚姚社
王清庵 在鐵匠姚社

甘泉庵 在城鎮
萬壽庵 在暗牛柏二社

峰山庵 在疙疸山社
芙蓉庵 在東缸窰

灤

縣志

卷四

人民 宗教 寺觀

甘露庵 在東缸窰

水月庵 在杜林莊內設初級小學校

永喜庵 在織女寨
福盛庵 在王店子鎮王

崇興庵 在第六區

以上庵 參錄舊志

增福廟 一在城內東北隅南向舊為庵後經重修稱增福

按增福記魏曲梁令李詭祖令家世本淄川人文帝時任曲令殭狐妖塞橫水邑人德之為立祠厥後屢顯靈異唐封增福相公元封福善平施公明嘉靖中毀淫祀議及公廟尋稽功德存之今俗以九月十七日為神生日祭以少牢不用豕豈亦祠山張大帝避食豨之類耶是又不得其說矣

真武廟 一在城內北街邑人高第又建於北月城均廢一在義豐社東缸窰莊

一在松亮社雙橋莊連關帝廟原共有香火地二十七畝一在姚莊社大姚各莊原有香火地四十畝一在崇道屯輝坨莊原有香火地四十畝一在獨二社前獨莫城原有香火地十畝一在柏二社薛各莊原有香火地十畝一在橫山營社張家坎原有香火地二十畝一在松亮社周趙莊原有香火地六畝一在城南二

十里馬城鎮一在城西百二十里常各莊

一在錢家營鎮後打弓莊一在稻地鎮

按此乃元武七宿宋初因避太祖小字改稱真武圖志則云神為淨樂王太子

子修煉武當山功成飛昇上帝命鎮北方被髮跣足用皂纛元旗事無稽矣

三官廟一在西關外明崇正五年建一在孤家莊清乾隆二十四年建一在卑

地十八畝一在連清社翟各莊原有香火地十三畝一在張家狼窠原有香火

賈家莊原有香火地一頃五十六畝一在倭城社北方各莊原有香火地八畝

在宜安社李家莊原有香火地五十二畝一在王二社都坨屯原有香火地十畝

立莊原有香火地四十二畝一在陡河莊原有香火地二畝一在何家寨社楊

郭家嶺坨原有香火地四十畝一在松亮社任家莊連藥王廟永慶寺原共有香

各莊原有香火地二十畝一在蕭家莊原有香火地十六畝一在黃家疇社大馬

七十三畝四分一在南衛社多餘屯原香火地二十二畝一在姚莊社

原有香火地十二畝一在司一社蕭家莊原有香火地二十二畝一在姚莊社

家鴻鴨林原有香火地四十畝一在曾家灣連電神廟原共有香火地七十畝

在平原社新各莊原有香火地三十畝一在長慶社石佛口連八仙觀原共有

火地一頃餘畝一在永登社游觀莊原有香火地五十畝一在獨二社岳家莊

有香火地三十畝一在柏二社陳各莊原有香火地四十二畝一在橋頭社學房

莊原有香火地十五畝一在康莊屯河南莊原有香火地十二畝一在長港社畢

下五嶺原有香火地十五畝一在孟家峪莊原有香火地十畝一在長港社畢

原在興慶社半碑店觀音廟香火地共七畝一在風淳屯西沙窠原有香火地

一在王家甸連關帝廟原共有香火地十八畝一在梅一社孟家店原有香火

灤

縣志

卷四

人民宗教寺觀

十八畝一在馬家峪原有香火地三畝一在東缸窠莊一在城西六十

里趙家塔頭莊一在學旺莊一在藍坨里一在米官營莊

按三官之稱見於後漢書劉焉傳註蓋謂天地水也其以正七月為三官生日

者蓋本宋史方伎傳苗守信上言三元日上元天官中元地官下元水官各主錄

人善惡之說後謝氏文海披沙郎氏七修類稿各以木金水臆說傳會道藏謂三

官為周幽王諫臣一曰唐宏一曰葛雍一曰周實皆未有實徵通志有三官醮儀

一卷宣和畫譜大歷中周昉有三官像其神之尊奉於世自漢以來蓋未嘗絕也

外又有水府三官留青日札謂起於南唐保大中上水府馬當中水府采石下水

府金山皆有王號宋因加封爵祭

告又唐葛周三真君一作厲王臣

卑家店乃三百戶營舊址村東有三元大帝廟創於明初後千戶百戶重修之惟

正殿三楹塑三官像大門一楹至清朝歷百年未經修葺乾隆乙卯科邑舉人李

公對乾因其阨而擴之奎星樓文昌宮關帝閣並峙於三官殿之前禪堂增其後

凡五層計數十楹並於廟之東建義學南北向者八楹計二層東西向者三楹計

一層名曰延慶祠義塾為延名師課讀鄉之子弟一時永遵兩郡就讀者蓋門外

之履滿矣在塾肄業有登賢書者則題名於版前後共得數人郡守盧見曾題其

額曰廣我教思兵部左侍郎王

會汾題文昌宮額曰陰鷲下民

魯般廟一在城西南暗牛

海神廟一在開平東關

涼汀偏

雷神廟 一在城西南暗牛淀 一在豐腴屯社李莊連龍泉寺原共有香火地一頃 一在城南曾家灣 一在城西雙山 一在橋頭社高各莊原有香火地一

三十畝

按風雲雷雨皆祀以壇壝而雷未之及焉誠以雷雨類也雲雷所以作雨雨以時則雷不作祀雲雷雨而雷即在其中今俗以重五日祀雷神又謂神為趙將李左車不知始於何時總之雷足以為災者也為民禦災則當祭若必如雷公電母求其姓名以實之則鑿矣

天仙廟 俗稱娘娘廟在巖山頂今已半就頽廢

昭惠王廟 一在北門外前院半屬坍塌後院設初級小學校一在石各莊清康熙四十年建光緒二十三年重修一在倭城鎮即二郎廟也

按二郎神有數說一云秦將李冰之子因鑿離堆渠灌田有功蜀人祀之呼為灌田二郎一云趙昱仕隋為嘉州刺史後棄官不知所終會嘉州水漲蜀人見霧中乘白馬越流而過乃昱也因立廟灌江呼為灌口二郎唐封勇力大將軍宋開禧間封為昭惠王今神廟塑像率衣黃挾彈擁獵犬蓋因蜀孟昶而誤宋藝祖平蜀得花藥夫人奉祀小像於宮中藝祖怪問對曰此灌口二郎也因命供奉於京師其說見於朱子語錄常熟志及賢奕等書俗以演義之謬謂二郎為楊戩蓋非也

崔府君廟 今廢在城西北里許府君廟莊

按神之以府君稱者有二一為崔府君名字玉祁穀城人唐貞觀中為長子縣令多異政歿後為神肅宗至德間封靈聖護國侯武宗會昌間加封護國威勝公宋真宗加封護國西齊王高宗建炎元年賜廟額曰顯衛一為高府君名獲漢時人與嚴子陵有舊嘗至富春祈雨有驗邑人立廟祀之唐開元間高適作碑記其事

灤縣志 卷四 人民 宗教 寺觀 二七

事

姜將軍廟 在城西百里唐山麓

按舊志云碑云將軍仕後唐清泰間鎮碣石之石門時有蛟為民害將軍斬之入懷其惠立廟祀焉此地自後唐天成初已屬契丹安得清泰間乃屬於唐乎此碑記之不可信也

玉皇廟 一在城東今廢一在紫金山頂額云玉皇閣原有香火地一頃二十八畝一在南衛社孟家營連觀音庵原共有香火地五十五畝一在王家營連老君廟關帝廟原共有香火地五十畝一在呂家店原有香火地三十七畝

一在惇本社李新莊子原有香火地一頃二十餘畝一在崇遺屯輝坨莊原有香火地十六畝一在獨二社獨莫城原有香火地九畝一在長港社任各莊原有香火地七畝一在崇本屯劉家泡莊原有香火地十五畝一在連北店莊有香火地七畝一在紅家營原有香火地二十二畝一在榆子林社榆子林莊

觀音廟 一在王社紅家營原有香火地二十二畝一在姚莊社大張家莊原有香火地一在王社塔頭原有香火地十八畝一在何家寨社曹各莊原有香火地二十畝一在黃家疇社胡里莊原有香火地十五畝一在姚莊社大張家莊原有香火地一在獨二社生理莊原有香火地三十八畝一在南園莊原有香火地

火地九畝一在柏三社交六莊原有香火地四十二畝一在張仙莊原有香火地三十一畝一在小富各莊原有香火地十一畝一在東黃坨原有香火地七畝一在柏一社柏各莊原有香火地八畝一在狗兒社小松林莊原有香火地二十一畝一在楊家莊原有香火地四十畝一在長港社張家莊原有香火地二十一畝一在康

莊屯夏官營原有香火地六十畝一在狗兒社小松林莊原有香火地二十一畝一在楊家莊原有香火地四十畝一在長港社張家莊原有香火地二十一畝一在康

南衛社獅子營原有香火地二畝一在風淳屯侯各莊原有香火地十畝一在宋家道口原有香火地三十八畝一在興慶屯藍家莊原有香火地五畝一在餘莊屯荆各莊原有香火地三十四畝一在崇道屯董家莊原有香火地十八畝一在長春社胡家莊原有香火地十畝一在南衛社邊各莊原有香火地十七畝一在橫山營社葛家坎原有香火地一畝

蠶姑廟 一在城南四十里麻地莊 一在城西六十里赤喉莊

按此即古禮之先蠶也 俗以四月八日祈蠶功

娘娘廟 一在南陽莊康熙五十年建 一在連清社翟各莊原有香火地二十畝 一在榆子林扒齒港

通天庵 原有香火地八十畝 一在王二社北圈莊原有香火地三十畝 一在軍師莊原有香火地十畝 一在康莊社塔頭莊 一在柏一社柏各莊原有香火地十畝 一在長港社魏家莊原有香火地十一畝 一在棧子鎮西一里一在稻地鎮一在倭城張家狼窩一在扒齒港鎮杜家平坨內設初級小學校

天井峪廟 一在廣布屯南場莊原有香火地一頃五十畝 一在康

三義廟 一在王五里屯龍王莊原有香火地五十畝 一在東缸窰

總神廟 一在倭城社高廟莊原有香火地二十四畝 一在東缸窰

延福廟 一在狗兒社流河頭莊原有香火地三十三畝

灤

縣志

卷四

人民宗教寺觀

窰神廟 一在義豐社東缸窰莊連真武廟三官廟原共有香火地一頃四十畝 一在周趙莊原有香火地六畝 一在風淳屯竈戶莊原有香火地一畝

二聖廟 一在橋頭社四王莊原有香火地八十二畝 一在倭城社高各莊

三侯廟 一在榛子鎮西門外神像之前有木主係吳惠澤葛全德周宏恩之位

西福廟 一在餘莊屯楊家口原

三皇廟 俗稱藥王廟一在城北二里即紫金山八蜡廟故基正殿三楹飛閣一座明萬曆二十二年知州劉從仁建清嘉慶七年學正邊夢璘重修一

在馬城鎮一 在胡各莊

按元史貞元年初命郡縣通祀三皇以皇帝臣俞附以下十人載於醫書者從祀兩廡有司歲春秋二季行禮而以醫師主之洪武四年令天下罷三皇以名分非民間所得祀且因民瀆以藥王非所以尊敬之也嘉靖間太醫院廟成以僦貸季以下十三人從祀東廡以華陀以下十四人從祀西廡清順治三年定每年春二月冬十一月上甲日致祭俗以四月二十八日為藥王生辰賽會祈禱

昌黎人魏可簡三皇廟俗訛為藥王廟記云自惠民局廢後郡無良醫民多疾疫賢愚貴賤一聽其死生者久矣明萬曆癸巳秋八月解梁劉太守下車見道有饑者求醫而不可得乃謀祀藥王以為民佑環顧郡內諸山直走紫金山之麓而闢其基首捐廉俸倡建二守曾公下皆相助焉遂卜吉農隙庶民子來閱兩月而廟成廟制義農不加冕服惟黃帝有之坐皆南向東西相向者則太師岐伯太乙雷公神應王扁鵲倉公淳于意醫聖張仲景良醫華陀太醫王叔和皇甫士安抱樸

子葛洪真人孫思邈藥王韋慈藏配享廟之外抱廈三間廬之外重門一座繚以周垣垣之南左為太守憩亭右為庖福僧室麓之東南創井一以橫周道焦喉便之每為四月二十四日藉城市集以奉香火遠近村落兒女儼如蜂衙蟻陣山下搭蓋戲棚兩傍開張店舖鳴鐘擊鼓賽願祈靈彼往此來宵征夙駕者踵相繼也妙也執事義民侯峻等樂太守之樂而重太守愛民之誠欲以為記夫農黃帝首出御世萬家永賴何專以藥王名祠蓋賽神出於一念之誠揆諸人心而願者皆可祀也食稻而祭先齋衣帛而祭先蠶飲而祭先酒畜而祭先牧與夫祭門祭竈祭中霽者無異也矧伏羲畫八卦神農嘗百草黃帝作內經輔相裁成德侔造化奉為鼻祖固其宜也不佞嘗折肱而讀醫書視診之間或一奇中然於用藥則切身操是術者曷亦臨證而知警入廟而加虔期無負太守修廟之心與保赤之誠也可太守劉公諱從仁山西平陽府解州人

碧霞元君廟

在西關外明嘉靖二年重修清咸豐年間又重修一在開平鎮內有明工部郎司經局正字黃衍相遺墨一在城西北二十二里佛

山住按碧霞元君為宋真宗所封以為泰山之女後之文人以其說不經曲引黃帝遣玉女事以附會之不知當日所以受封固真以為泰山女也張華博物志云太公望為灌壇令期年風不鳴條文王夢見一婦人當道而哭問其故曰我東海泰山女嫁為西海婦欲東歸灌壇令當吾道令有德吾不敢暴風過也明日文王召太公歸已而果有疾風暴雨去者又干寶搜神記載胡毋班為泰山府君致書女壻事據此則封號雖自宋始而泰山女之說西晉前已有之矣

灤

縣志

卷四

人民 宗教 寺觀

二九

曹妃殿

在大莊河海中沙坨

八仙觀

在石佛口鎮

三教堂

一在柏三社孟家莊原有香火地四十八畝一在南衛社衛各莊原有香火地十八畝

觀音堂

一在廣益屯毛家山連朝陽庵原共有香火地一頃十七畝一在宜安社七百戶原共有香火地十二畝一在柏二社榮各莊連馬神祠原共

有香火地十三畝一在柏二社劉家崔各莊連望海寺原共有香火地十六畝

清泰院

在曹口社大艾家莊原有香火地七十畝

環溪古刹

在康莊社稅務莊連火神廟觀音廟原共有香火地四十五畝

紫竹林

在土兒社艾頭莊子原有香火地三畝

謹按近年寺廟有廢無興此次續修縣志迫於時日未能悉數調查茲據調查所得者均書其近狀餘則興廢莫悉仍錄舊志閱者諒之

道教 道士居觀為方外通例灤境道士散居寺廟以廟產多歸學欵故近今止有餬口之田全境道士不過十餘人其功課略同浮屠氏又有龍門火居道

分駐開平南五里屯茨榆坨養馬莊石佛口陳家山頭等處共五十人

天主教 灤縣在前清初年即有奉天主教者自唐山李楊余爲被襁母病而

進教

事在乾隆三十一年春

城南東營莊柯儒望陞授本地司鐸

事在道光十四年

邑民信奉者

漸多惟附近無管轄機關以故是時教民咸隸於北京主教至光緒二十五年永平府設立主教傳教區灤教民遂歸永平主教管轄光緒二十六年以後信仰者益多遂於灤境漸次設傳教分區六處一在蔴灣坨教民三千三百零五名一在崔新莊子教民三千一百五十一名一在唐山教民二千六百一十七名私立培仁女子初高中及附屬小學校一所學生七百餘名一在安各莊鎮教民三千六百八十三名一在大安各莊教民一千九百七十五名一在暖泉莊教民一千五百一十六名以上六處教民共一萬六千二百四十七名

耶蘇教 耶蘇教於清光緒十二年傳入灤境近今信奉者共一千四百八十六人教堂十四處在城內者設於西街設立匯文學校於西關有國民高小初

灤縣志

卷四

人民 宗教

三

中各班其在鄉鎮之堂教亦均附設學校各堂傳教多在星期或廟會市集日

附舊志仙釋

金

玉川子王姓失其名在州長甯店西建庵尸解莫知所在後有人於嶺南

見焉

元

白雲子王姓失其名初居州五山因鮮卑金吾元帥請住持長甯觀闡元教至元二年賜號廣德真人

淨聰乃東溟宋氏幼削髮爲僧遊清水興國寺師藹公頗多解悟於是徧歷叢林探華嚴金剛奧旨後於雲峯得訣始歸構庵不出至元乙卯入定諸沙門爲造浮圖有月泉老衲訪道清溪爲聰作銘後至明成化初塔裂啟之止舍利二三存焉

明
楊不語。州西人。性淳實。甘淡泊。寡言笑。幼出爲僧。明初時。棲祥雲島。古剎嘗寂坐。竟日。初不侈口。講談。人呼爲楊不語。亦未之奇也。後常見二虎來臥寺門。不語。汲水飲之。虎馴不加害。始知有德行。至宣德間。百歲餘。化。謹按州境有浮圖數處。一在長甯鎮。延慶寺內。高十餘丈。一在巖山上。後廢。嘉道間重修。一在小山西庵方前。一在古冶鎮北天井峪。石磴一。在榛子鎮街中。今廢。皆金遼時建。馬城各廟中。有玉皇高八尺。天后高五尺。碧霞元君三。各高五尺。東嶽大帝高七尺。地藏菩薩高四尺。皆銅身。鐵獅二對。一高八尺五寸。一高三尺三寸。千斤鐘五口。大店莊廟中銅鐘一。常明庵中銅鐘一。皆稱古蹟云。

灤縣道院 附世界紅卍字會灤縣分會

灤縣道院 成立於民國十五年。世界紅卍字會灤縣分會 亦同時成立。薛岳一

灤縣志

卷四

人民 宗教

三一

爲會長。其主辦事務。爲慈善與教育。慈善如救濟隊。收容所。設粥廠。施棉衣。捨棺施醫。卹嫠助賑等事。教育如設立卍慈完全小學校。當成立時。租用西街民房。至民國二十年。由該會會長薛岳一。購買地基。建置道院於灤城西北隅。卍字會暨卍慈小學校。卽附設其中。一切建築。用款至鉅。均由薛岳一負責籌劃。

灤縣道院碑記云。道院何爲而設也。所以導世界之光明。啓人民之愚昧。俾天生烝民。潛移默化。而悉納於軌物之中也。慨自世風不古。政教失綱。民德既離。災害併至。苟不設法補救。勢將敗壞。凌替無所底止。恐人類靡有子遺。世界衆生。亦淪於萬劫不復之地矣。岳一會長。有鑑於此。遂竭力創辦鞏固院基。以爲弭化災劫之功。用未朞月。而美輪奐。規模大備焉。考灤縣道院。經慈果夷然。淑化災劫。公之提倡。夙靈筮仕。而去各職。修風流雲散。其能百折不回。作中流之砥柱。使道時勢變遷。夙靈筮仕。而一人之力也。戊辰春。院內始有初級小學之附設。己夏。因院卒抵於成者。岳一一人之力也。戊辰春。院內始有初級小學之附設。己夏。因地基狹隘。遂購置舖房兩所。計南北長四十餘丈。東西寬五十餘弓。卽縣城內西北隅也。其始分築。南北兩大院。學校因遷入。辛未夏。卍慈完全小學校成立。而舊房多不適用。乃遵母總主各院壇訓。開始籌備。建築院會。于壬申二月。鳩工庀材。大興土木。不數月。而厥功告成。是年院會於西朔遷入。供奉老祖。正位及各院神位。開慶祝大典。普濟一月。是時。榆秦開唐。甯津青靜。滄泊各院。代表均蒞。會慶祝。賓主一堂。踰躋濟洵。盛舉也。非岳一熱心毅力。焉能如此。偉大之宏基。是以大書特書。屢荷壇訓之褒獎。總計此一建築。用款三萬餘元。費時至七閱月。經營擘畫。皆岳一一人任之。而常年所辦之慈善經費。每年必須數千元。亦岳一

兼籌并措完全擔任壇訓謂岳一以精神而許道以身家而辦慈其耿之忠誠
堅如金石者良有以也况以道院之設也以柔無智愚不肖以此為入道之津
之使明儒也而進之於強剛也而化之以堅固不傾者此也道院正殿為凡七楹
梁所謂履中蹈和福善并作一天倚地七楹左為傳達處接待室右為成績室
配房各三楹供奉儲室各一楹完全學校各七楹教室四院之西為操場地勢宏
敞內有園池亭榭木千章東為齋房為宿舍為飯廳為厨又二十餘楹院之北
另一大院落為女校又十楹歲癸酉八月初三日奉訓令嵐撰道院碑文自維
學問誦陋不足以當聖意然壇訓諄諄獎勉又不敢辭謹述其梗概以記爰作
贊曰大道煌煌已載飄揚外行慈善內勵綱常彈心救濟竭力提倡流芳百禩造
福萬方惟我灤邑已善所同宏規大啓殿宇崇隆
灤縣道院始末記云灤院係屬中央區成立於民國十五年西朔同時成立
世界紅卍字會灤縣分會其開始固建築已載碑文十七年閏二月初一日成
一切慈善凡關於教育救濟各歷史詳陳如下民國十七年閏二月初一日成
卍慈貧民初小學額四十名學雜費一概不收暑假添招女生一項均校中供給
十八年暑假續招新生一班學額四十名章程試驗合格畢業因於是年六月二
名至二十年暑假第一班學生遵照部定章程仍一收定名為灤縣紅卍字
會卍慈完全小學校學期二年畢業擬定每年添招新生一班繼續推廣以期普
及所有課程均遵部章辦理至本年
初小畢業七班高小畢業五班矣
屬教育係

灤

縣志

卷四

人民宗教

當在十七年夏灤縣正當戰區兵連禍結受災太重而昌黎尤甚彼時派隊分
調查災况並一面僱人掩埋戰線經過之處募賑糧四萬八千八百包預先在灤
備施放急賑遵照訓當即由四省慈善會募集賑糧數目如次中區各村莊施
放三百九十四包石佛口區各村莊施放二百一十六包安莊區各村莊施
九十包偏涼汀區施放二百一十六包關廂施放九十六包開平區各村莊施
放九十五包榛子鎮王甸子區各村莊施放三百二十包區各村莊施放二
百包扒齒港區各村莊施放一百一十包曾家灣區各村莊施放一百五十二包
以上灤縣各區各村莊共施放賑糧一千七百七十包
百零二包按每包合灤市斗一石二斗
計開昌黎地面施放賑糧駱家窪里施放五十四包郭莊子施放二十五包
窪里施放七十九包李各莊施放七十五包前李各莊施放五十五包西李各莊
施放四十八包崔莊施放九十五包指揮莊施放三百零五包劉莊施放一百
十六包相公莊施放一百五十八包朱各莊施放二百五十四包毛家石門施放
十包石門車站施放四十四包唱家石門施放四十五包張家石門施放一百
十九包孟家石門施放一百零九包北祖家石門施放四十七包李石門施放
一十三包劉家石門施放一百四十九包南祖家石門施放四十七包石門街施
八十九包胡家石門施放一百四十九包南祖家石門施放四十七包石門街施
放一百一十九包上莊施放一百四十九包南祖家石門施放四十七包石門街施
五十八包小樊各莊施放八十三包朱各莊施放一百一十九包石門街施放
三十六包後白石院施放三十一包以上昌黎災
重之區各村莊共施放賑糧二千七百三十二包
交盧龍縣政府代為施放三百包以上統共施放賑糧四千七百三十四包按原
賑糧四千八百包除實放四千七百三十四包外沿途損失七百三十四包註明

迨至十七年冬大兵之後年歲凶荒臨榆卅會梁慈果會長由關外運來大宗紅糧及小米并賑衣在灤縣唐山等處施放冬賑十八年春天津主會史錫霽大隊長率隊員多人運到大批賑糧在灤縣唐山等處施放春賑並奉訓組織榆唐島聯合救濟隊當在七八月間由灤縣路過出關山東河南之難民三萬餘人按名接濟給養始而每人給同元二十枚繼而給以饘首備有綠豆湯開水民國二十年奉訓組織成立甯唐灤島救濟水災急賑聯合會募集鉅款滙寄災區民國二十一年又奉訓組織派岳一輸送津東榆西之難民厥後大亂設立難民婦孺收出發秦皇島並奉訓派岳一輸送津東榆西之難民厥後大亂設立難民婦孺收容所六處救濟難民數千人民國二十四年奉訓組織榆秦撫昌灤唐聯部合救濟隊本年丙子又遵總院訓成立榆秦撫昌灤唐救濟聯絡監理部灤縣卅會憶自十七年戊辰每逢冬春必設立大規模粥廠兼施捨賑衣用款至鉅至辛未冬灤縣成立救濟院由縣聘任岳一為院長每年由公款項下籌撥五百元作為常年經費甚是敷衍因即另行規定縮小範圍按年由子朔起至來年卯朔止凡係極貧不分男女老幼以住院者為限每日兩次給以飯食惟經費太少不敷尚多所有施放賑衣及來往路過之難民酌給川資無論多寡均卅會擔任又自戊辰六月灤縣卅會設所施棺有人介紹即行施捨比及本年已共捨施三百二十餘具矣又自戊辰秋灤縣卅會成立卅產局亦係斟酌情形辦理比及本年受卹者已千數人戊辰冬灤縣卅會成立卅產局亦係斟酌情形辦理比及本年受卹者僅十數人已已春灤縣卅會成立施診所聘任中醫一名辦理三年無大成效暫行停止然常年施捨各種藥品以上係關於救濟至于建築一事因近年學校日見擴充校舍仍不敷用二十四年春即將北院卅慈女子學校改建校舍二十四間局勢始寬敞闊大又在該院東首開闢兩小院落分為南北各立角門其南院為廚房計六間北院為廁所並向北開一便門通行操場至世界道德社灤縣分社係奉訓於本年閏三月十三日成立附設院會

灤

縣志

卷四

人民宗教

此十年間成立院會校社建設之始末也總計此一建設前後合計開支四萬元有奇合之常年辦理各項慈業及臨時捐助各賑災各救濟經費與夫院會學校按年之開支為數至鉅無可計算此皆岳一經營擊劃個人負責堪告白於社會者也是為記

附岳一自述詩四首

半世讀書半世耕空色色悟生平隱居自樂無他事但願功行告厥成

岳一曾供職銓曹值清鼎革旋里創辦灤縣道院成立灤縣紅卅字會灤縣道德社及灤縣女道德社各團體專辦一切慈善每日誦坐以期救災弭劫挽回世道心人

地方多事幾經秋幸遇機緣早入修果把梓桑能救濟此生以外復何求

岳一於丙寅酉朔入修除辦院會事外充任灤縣救濟院院長兼榆秦灤唐甯聯合救濟隊長專辦一切救濟事宜

訓育兒曹豈偶然春風入座化三千時人不識余心樂闡道揚慈花甲年

岳一創辦卅慈學校已逾十年初小畢業七班高小畢業五班矣恭讀甲戌六月初八日楊柳青院統科評定河北各院成績訓云灤院成立既久閱世已深慈業宣傳早經深入田社頗獲一時好評近更大廈華堂崔巍廟貌莊嚴之象絕冠超羣此皆岳一之心血溶化而成亦足以見其精神魄力矣兼且寓道於教化及兒曹訓育弟子三千化雨春風成效卓著其中不少俊傑之士將來均為灤院之人

才十年之後則灤院道慈自必稱霸一方而雄視各院也曾賜闡道揚慈石良寶

尊一

撫茲三世舊珍藏。如對千秋俎豆光。啟迪後人猶在此。願修明德薦馨香。

岳一有三世珍
藏扇面故云。

灤縣女道德社 附世界婦女紅卍字會灤縣分會

灤縣女道德社係民國十九年庚午三月初一日成立。匾額四字。懿範珩璜。同時成立世界婦女紅卍字會灤縣分會。訓派薛李珩慈為社長。兼婦女紅卍字會會長。其應盡職業與院會同。社址設岳一會長第內。

附灤縣 美以美會 五十年記略

公歷一千八百八十五年。美國劉海蘭牧師。厚巴德牧師。來灤設立美以美會。孫九臯。王成培。宋義。諸先生。主持會務。翌年經王慶雲牧師。立初等小學校。一處。此即我灤縣教會創立鞏固悠久之宏基。興辦教育之初步也。嗣是潘禎牧師。設。立高等學校。名曰成美館。王天祥牧師。繼任未久。而劉芳牧師。來充校長。學生日。增。至高鳳山校長。繼任教育。發展後。竟合併於昌黎灤縣教育。停頓。經陳恒。德牧師。僦市房為校舍。重行設立。改名為滙文高等小學。因學生增多。乃租用西。關之房。延孟德榮牧師。為校長。規模益見擴展。一九一七年。吳輝山牧師。因學。不能續租。乃與孟德榮校長。及秦麗南君。議購房。而改築之。慨捐巨款者。乃王兆。

灤縣志

卷四 人民 宗教

熙君暨其他諸同學也。泊乎石牧師來充校長。王兆熙君。又倡捐漢文教員基金。添設工業科。是時南北兩院。有房一百二十間。地皮四十餘畝。然以軍事頻仍。款項不足。賴各地同學。關懷母校。竭力資助。而王兆熙君。新章二君。及其他諸同學。倡立中學。所以於高小外。招中學班。業經立案。批准。學生共一百五十餘名。自。而後。如勸募萬元之基金也。設立圖書室。儀器室。及其中。應有之建設也。均已。行。諒可達到目的。此為美以美會。灤縣教區。五十年中。興學之經過。並於興學之外。倡辦慈善事業。改良風俗。放賑救災。一以濟人利物。為職志。且在遷安樂亭盧龍。豐潤及灤縣全境。各大小鎮。設教會三十餘處。認歛。飲水思源。緊誰之力。追。維本會中之最有勞績者。外籍之人。則白雅各牧師。而繼之者。則潘禎。陳恒。德。儀。白輔德。文安。思諸牧師也。本國之人。則王慶雲牧師。而繼之者。則潘禎。陳恒。德。吳。輝山。鄒金鏡。石廷棟。諸牧師也。考其提倡平民教育。則為華北之冠。設立女校。是。皆在人耳目。舉犖可紀者。今值五十年紀念。謹撫舉會務大端。略誌為記。

(七)方言

編者按土俗言語由積年習慣所成始而讀音流轉稱謂殊異久則通行一方殊難矯正或不詳來由但覺鄙俚而不雅馴然在境內無慮也有時離鄉遠出無意中發出土音聽者或不解所謂實為交際之障礙近年鄉村教育特重國音即防此弊舊志謂方言之殊域於風土四聲南人多入北音祇有平上去蓋入聲短促北人尋常言語音高而長故於入聲不叶然分之為四聲約之止二曰平曰仄而已灤俗讀學若囂學本仄也音作平讀而若爾而本平也音作仄讀止平仄兩音且顛倒互換類此者不可殫述案舊志所列舉者今仍通行故錄全文并補充若干條以備參考非謂即此可盡灤縣之方言也乃述其稱謂之最普通者耳

讀灤若蘭

按遼史天贊二年始有灤州之名前此皆作濡濡灤字異音同讀近難宜合口呼蘭字則開口呼矣乃土俗讀灤若蘭直與甘肅之蘭州相混

呼父曰爹

俗讀的耶切又稱為爸爸按南史始興王憺詔徵還朝人歌之曰始興王人之爹赴人急如水火何時復來哺乳我爹之稱始此爹音舵上聲

母

灤縣志

卷四

人民方言

曰媽

俗讀平聲

祖曰爺爺

即耶字

祖母曰奶奶

本字作孀

曾祖曰太爺曾祖母曰太太

叔父曰叔叔

叔讀若收

叔母曰孀子

伯父曰大爹又大大大伯皆伯之稱也伯母曰伯孀又稱大媽

兄曰哥哥兄之妻曰嫂子

弟曰兄弟弟之妻曰弟妹

姊曰姐姐妹曰妹子

稱女曰閨女曰姑娘曰丫頭女婢亦曰丫頭

劉賓客寄贈小樊詩前面丫頭十二

字恆呼為頭(亦有呼為子者)以上一字分別之

稱妻父母曰丈人文母

妻之兄弟曰大舅小舅

妻之姊妹曰大姨小姨。

妻兄弟之婦曰大妗小妗。

妻稱夫之父母不曰翁姑曰爹媽。

夫之兄弟亦稱哥哥兄弟外稱則謂之大伯子小叔子。

姑舅親皆冠以表字。

兩姨親皆冠以連字。

兩婿相見大者呼小者亦曰妹夫小者呼大者亦曰姐夫。

姊妹之子曰外甥女之子曰外孫。

稱母之父曰老爺母之母曰老老。媪字之轉音也。

妻稱夫之伯叔亦曰大大(或大伯)叔叔外稱則謂之大伯公公叔叔公公。

夫之伯母叔母亦曰大媽孀子外稱則謂之大媽婆婆孀婆婆。

稱天曰老天爺。

灤縣志

卷四

人民方言

稱客曰且。明史童謠云委鬼當頭坐茄花滿地生後應於魏忠賢客氏北方呼客爲且且茄音相近或云陶潛歸去來辭悅親戚之情話且者戚之轉音也北方無人聲往往讀作上聲

灤縣呼親戚曰且頗近之

稱叟曰老爺子媪曰老娘子。

傭工曰打頭的又曰夥計。

學生之子曰雙棒郎。

內詞曰咱們曰我們外詞曰你們曰他們。

詈人以小人藐之曰崽子。水經注嬰童草女弱年崽子

稱穩婆曰老娘女巫曰師婆。讀若破

貧無聊賴者曰窮棒子行不正者曰尪子。尪蓋雅切俗書作生無此字

惡語侵人曰得罪。言侮人而已得罪也

一足行曰各郎跳曰躑。躑蒲孟切音烹去聲物相似曰活脫曉事曰在行。杭音爽利曰廉利。

兩不相涉曰犯不著無礙曰不相干。

恨人曰晷怨。見焦竑字學今通作抱怨。

量物以五尺為度。音託。兩腕引長謂之度。俗作討音。數錢以五文為一花。凡花多五出。故云。今數錢有誤者曰花數。用錢

皆曰呼三日薩。北史李興使梁武帝問其宗門多少答曰薩四十家。

不知而問曰廈。猶云甚麼。亦云什麼。見字典。作廈。猶云作甚麼。咱者。猶云怎麼者。謊語曰扯謔。

二木相擊為戲曰打箆。呼為打箆。有音無字。以同音之字代之。

釀錢作酒食曰打平夥。三字見四友齋叢說。謂妄語曰吹。謂狡黠為奸謂不慧曰傻。謂愚

魯曰笨。謂游嬉曰頑。宋陳造田家謠。小婦初嫁者當少寬。令伴阿姑頑過日。自注。房以嬉為頑。閒游曰逛。光去聲。玉篇。走也。以

時乞人財物曰打秋風。俗以自遠干求曰打秋風。按七修類稿。米芾札中有抽豐字。即世俗秋風之義。一秋風當即抽豐之轉音。一蓋彼處豐稔。

往抽分之耳。言語不通相誚曰夸。苦瓦切。

不潔曰媾。不整曰邋遢。磊砢曰累贅。利害曰寫嚇。讀若火。

驚遽聲曰嘎。按史記外戚世家。褚先生云。武帝下車泣曰。嘎。大姊何藏之深也。飾羽於錢以足拋之為戲曰毬。本

音建。見帝京景物略。謠曰。楊柳青。放空鐘。楊柳死。踢毬子。俗呼曰欠。物不良曰尫骨。人不順曰乖骨。言其惡在骨也。

灤縣志 卷四 人民方言

棉曰棉花。蝗子曰蝻。

以手頹人曰揉。擊人曰打。打本音頂。與撻同義。不同音。其義本為考擊。故人相毆皆謂之打。土音呼作撻。而字仍書作打。

補不足曰找。找本音華。與划同。正韻撥進船也。俗音爪。今作找。數找補等義。俱音爪。

補綻曰補釘。釘音頂。博雅補也。或借作頂。元楊瑀山居新話。頭繡上有補頂。可謂至貧。

女工作履用布裱紙作襯曰圪泊。按武林故事。小經紀有賣圪泊紙者。

捲棉為筒以紡者為拘節。又曰擦條。俗謂之布節。纏綫作緯以織者曰縹。音歲。

以羽毛布帛去塵曰担。音宣。玉篇。拂也。

物乾枯而縮小曰癟。音別。按七修類稿。張士誠在姑蘇。專用黃敬夫。蔡彥文。葉得新。三人民間作十七字詩云。丞相作事業。專用黃蔡葉。一夜

西風起。乾癟。今土俗困於事。困於財。困於文。統謂之乾癟。舊志。

名蟋蟀曰趨趨。草蟲曰蛄蛄。蟬曰吉了。蛙曰河蟬。蛇曰長蟲。蜻蜓

曰麻郎。螳螂曰刀郎。螻蛄曰拉拉古。桑扈曰扈巴拉。蜥蜴曰蜴虎溜

子。河豚曰蠟頭棒子。

謂不知自愛者曰沒價錢。才小而自炫者曰半瓶醋。又曰滿瓶不搖半瓶搖。腦筋過敏者曰唧伶。貪婪者曰見錢眼開。受人愚弄曰上當。愚弄人者曰賺人。無才而妄冀者曰妄想爬高。無事自擾者曰找麻煩。事須考慮者曰犯故黷。詈人輕狂曰奸詐。譽人忠厚曰老實。事不可能曰不中。物不可意曰不强。物可人意曰不離。乳兒岐疑者曰乖。兒童頑皮者曰柴。愛曰稀罕。甚詞曰推太之轉音也。拿物曰秋。上聲。取之轉音也。不知而妄爲曰瞎帳。無理而強爲者曰混帳。譏人闊綽曰抖。誚人出風頭曰露。讀如漏。臉。詈人失節操曰丟臉。稱無行之人曰下三亂。無事而過往鄰右者曰閒串門。出游邀伴侶曰打幫。閒談曰拉。上聲。科。語言無味曰扯淡。諂媚人者曰流虛。慕人勢利曰趺。俗作巴結。詈人無賴曰泥腿。故暴人短者曰憨蠢人。心術不端者曰朘骨人。心術光明者曰正經人。乘機進取者曰出息人。暗中傷曰折散。多人陰謀曰編筈。孤立無援。

灤縣志

卷四

人民方言

三八

曰光杆。行無目的曰瞎趕獐。理不當爲曰犯不上。人不老成曰不靠稍。物不堅牢曰不結實。人不爽利曰不快當。光棍曰要人的。土匪曰混星子。土豪曰朘雜子。運氣不好曰倒竈。舉動不開展者曰眠挺。讀如緬忝。謂物翻騰曰撲楞。不整潔曰艮躑。累贅曰邏沙。物體由伸而縮曰雜雜。正午曰响火。私藏財物曰梯已。梯或作體。心思煩亂曰塵糟。做作虛僞曰擗。讀如拿捏。慫恿教唆曰擗掇。讀若妥。器破未離曰裂壘。厭惡其人曰嬰。音戈。盈。甚麼事曰厦勾當。怎讀如咱。上聲。著詢問之意。不咱著猶言無妨也。這可咱著猶言無可如何也。此處曰這裏亦曰這圪塔。彼處曰那裏亦曰那圪塔。罵人曰捲。褻語曰撒村。夜兒箇昨日也。候上晚上也。多攢多少時候也。突如其來曰冷不防。是人言曰可不修理曰整整。

右述爲灤人通謂習稱者類此猶多不勝枚舉。

(八) 謠諺

編者按無章曲曰謠語淺俗曰諺謠詞兒童喜歌之好奇心使然也諺語老人樂道之閱歷有得也謠諺雖俚實蘊至意採風問俗者胥重視之茲就灤地習聞者選錄數十則

雲彩往南下雨沒房檐雲彩往北下雨發大水雲彩往東下雨必要晴雲彩往

西下雨披簑衣灤境南鄰海西北多山凡雲從

八月十五雲遮月正月十五雪打燈先年中秋雲遮月

五月六月看老雲七月八月看巧雲夏雲厚故曰老

早霞不出門晚霞行千里早霞必雨

天河斜調角家家忙小襖初秋天河轉向西南氣候漸

東虹日頭西虹雨虹俗讀若絳虹東

先下牛毛沒有雨後下牛毛沒有晴牛毛謂細雨也

灤縣志

卷四 人民謠諺

不怕初一下就怕初二陰初二陰天則上半月多雨

夏至東風搖麥子水裏撈

冬走十里不亮夏走十里不黑冬夜長天將明時走十里不亮

大旱不過五月十三言至是時可得透雨

麥收三月雨三月雨最利於麥

寒食麥子掛紙錢清明時麥苗長寸餘故能掛燒紙

一九二九人在冰上走三九四九凍的不伸手五九六九沿河看柳七九河開

八九雁來九九加一九遍地黃牛走

有錢難買五月旱六月連陰吃飽飯六月多雨

春見春四蹄貴如金凡一年兩見立春

小雪封地大雪封河牲畜價必昂貴

四月以初旬雨占麥豐歉諺云一二麥脚黃三四落把穰五六泥中割七八麥

上場又以三四日占風雨諺云月兒張弓少雨多風月兒仰瓦不求自下

立秋十天懶過河灤境氣候較寒是時水涼不便於涉

蕎麥開花熱死牛八月間日午猶暑也

榆錢落燕魚過

糜黍上場核桃半瓢

麥收一晌杏收一時麥杏將成熟時變化極速

七月十五棗紅圈

大暑找黍處暑十天亂割穀

春梭夏鱗白眼割穀

六月六看穀秀時穀已秀

頭伏蘿蔔二伏菜三伏裏頭種蕎麥

一到芒種不可強種已逾耕期雖強種亦難成熟

灤縣志 卷四 人民 諺

立秋不出頭割了喂老牛稷子是時不秀則無望矣

七月十五張嘴八月十五伸腿指蚊言

莊稼老不可誇就怕六月二十八俗謂是日落雨秋則歉收

一場秋雨一場寒十場秋雨便穿綿

臘七臘八凍死鷄鴨為一歲最寒期

長蟲過道大雨將落蛇去則雨落音同勞去聲

不是一家人不入一家門家人性習須大致相等

家有千口主事一人謂一家之少長男婦均須服從家長之命令

為人不當家不知柴米貴為人不生子不知父母恩謂少不更事者不知用度之艱難未生子女者不知親子

間之關係

有柴有米好夫妻無柴無米瞪眼雞言富有則夫妻易和睦貧窮則難反目

好兒不用多一個丁十個

一千吊錢不娶妻。一百吊錢不置衣。言只有此數尚不能

有錢不買當莊鷄。有錢不娶活人妻。窠鷄不出本村必仍返舊

家有賢妻。男兒不作橫事。謂有賢妻勸導

不怕兒女晚。就怕壽命短。

小孩叫着長。窩瓜葫蘆弔着長。

傍山吃山。靠海吃海。灤北境多山。以植樹謀

十年河東。十年河西。灤河時有變遷。故居民興滄桑之感。

家有千棵樹。無錢也算富。謂植樹之利益。

養樹不養花。養鷄不養鴨。花只供玩賞。鴨雖產卵而較少。故不

多年的老道熬成河。多年的媳婦熬成婆。

班頭下鄉。賽過帝王。極言皂吏之可畏。

衙門口向南開。要打官司拿錢來。可為好訟者戒。

灤縣志

卷四 人民 謠諺

只許州官放火。不許百姓張燈。謂專制時代官吏欺壓平民也。

冤死不告狀。窮死不做賊。打官司費用極繁。理或

大堂上沒有種着高粱穀子。謂興訟即須有錢。

糖瓜祭竈。家家媳婦都來到。今天不來。明天就不要。凡女之出嫁者。無新舊。均須

青草沒驢蹄。拜年亦不遲。謂距離較遠之戚友。每屆新歲

一到九月九。蘿蔔白菜不離口。病從何處有。謂多食蔬類

晚飯少吃一口。香甜一宿。臨睡多食不易消

晚飯少吃一口。活到九十九。言能常常如

睡覺不蒙首。活到九十九。睡不蒙首。免觸被中污

早茶晚酒飯後烟。謂須用之得當。

春無秋凍。一輩子不生大病。春寒猶劇。棉衣不宜早脫。

小葱蘸醬。越吃越胖。謂蔬菜亦多滋養料。

高會好。高會好。先當褲子後當襖。俗謂押花會曰高會。高擱之轉音也。花會之抽大烟窮的快。不是當當就是賣。

扎嗎啡。一身光披著麻包當衣裳。近日青年染此毒者甚衆。每年死亡不可勝計。亦浩劫也。

爲人不作虧心事。那怕半夜鬼敲門。
出頭的椽子先爛。

各掃門前雪。不管他人瓦上霜。

管間事。落不是。以上三則均勸人安分守己不可多事。

是非只爲多開口。煩惱皆因強出頭。上句戒人多言。下句戒人好事。言。

有蟲子的棗兒先紅。好取巧的人先窮。天地之間。物各有主。計取人天下老鴉一般黑。那家煙囪不冒煙。謂家凡事皆是。然。

吃不窮。穿不窮。打算不到才受窮。謂用財預算。

家裏打車。外頭合轍。謂人作事須順應潮流環境。

灤縣志 卷四 人民 謠諺

窮是饒懶。富是勤儉。

莊稼老生的怪。賤賣貴不賣。農產物待價而沽。每至不能再存留時始出售。不。

衙門錢。一溜烟。買賣錢。六十年。莊稼錢。萬萬年。謂得之難者失亦難。得之易者失亦易。

老天不滅大傻瓜。天相樸實人。

倒風的竈火。不說理的老婆。謂無法制止。不可理喻。

不怕慢。就怕站。無論行路作事皆忌中輟。

大水冲了龍王廟。一家人不認一家人。斥同族者。而從小看大三歲知老。

傍着勤的。沒有懶的。傍着費的。沒有儉的。看幼年之行動。即可斷定將來之成就。

不經一頭。不長一志。言人非受刺激。不能長志氣。

不聽老人言。吃虧在眼前。謂老少不更事者。須聽老人之勸戒。

在家敬父母。何必遠燒香。謂人當孝順父母。不可迷信神佛。

在家不敬人。出外沒人敬。

野鳥近齋無事不來。俗以野鳥飛入人家為不祥。

有錢難買回頭看。臨行回視可免去後之追悔。

半夜燒錢帖子受窮等不到天亮。謂揮霍無度者乃自速其窮困。

猴兒嘴裏吐不出酸棗來。染房裏退不出白布來。上句指錢物已為貪婪者得去。即不能再返。下句謂事已成就不能更易可見。

用財作事均須慎始。

人要三穩。口穩手穩脚穩。商界恒以此訓練學徒。

官打民不羞。父打子不羞。先生打學生不羞。謂須服從尊長之命令。即因過受罰亦不當視為恥羞。

好驢兒不吃回頭草。好女不穿賠嫁衣。謂須自立。不可依賴。

丫頭媽起來吧。場裏穀子也該搯。地裏棉花也該抓。農婦在秋間須助男子收穫。故有是謠。

日頭沒紅眼。過過給那過給驢子馬。兒童害目疾者。每歌是祝之使愈。

麻郎麻郎過河來。東邊打鼓西邊打鑼來。夏秋雨過天晴。蜻蜓（俗謂之麻郎）飛翔空際。撲食蠓蟲。兒童見之則歌此。

灤縣志 卷四 人民 謠諺

樂以行

狼來了。虎來了。小貓跳牆咬來了。哄着孩子睡覺了。催兒童眠時。則唱此歌。

東洋車好買賣。大爺拉着大奶奶。人力車初入境時。兒童好唱此歌。

老扁老扁簸箕箕。簸了粳米簸糯米。俗以長身躍欲蹇。曰老扁。兒童捕獲。執其長腿。則躍躍欲蹇。曰老扁。兒童捕獲。執其

(九) 戲劇

編者按。戲劇之設。所以供人民娛樂。演述往事。藉寓勸懲。乃昇平時代之點綴。為研究社會教育者。所不當忽視者也。灤境昔無劇館。近數年來。唐山趙各莊。偏涼汀等處。為謀市面之繁榮。先後設有長期之劇館。惟所演之劇。多無足觀。茲就我灤今昔所有之戲劇。分述如左。

影戲 用薄片透明之驢皮。雕成人物等形。夜間於臺上架紙窗。借燈光照映。遠視之意態生動。惟妙惟肖。故謂之影戲。戲本多長篇。傳述古代忠孝節義等事。頗有益於風俗。惟中多迷信之齣。清季曾設有影劇改良社。惜改者無多。故近今所演。仍不免迷信等事。然與他劇相較。則益多而害少。每演三夜或四夜。為一臺。每臺價昂者。須四五十元。至百元。少者十數元。至五六元不等。於人家還願或喜慶時用之。亦有歲時豐寧。鄉村釀資開演。以資娛樂者。

蓮花落 蓮花落原名蓮花樂。俗謂之蹦蹦戲。昔時丐者沿街乞討之歌曲也。

灤縣志

卷四

人民 戲劇

四四

嗣後日益發展。居然登臺。惟奏曲作態。俗鄙不堪。誠足以傷風敗化。然市井游閒之輩。熱烈歡迎。顧曲者肩摩踵接。爭先恐後。殆所謂下里巴人。國中屬而和者。數千人歟。嘻。可以覘世風之升降矣。近且有藉營副業者。假售票以廣播押花會之號。單愚而貪者。趨之若鶩。花會之害。詳見本志風俗章。是亟宜取締者也。

崑弋皮簧梆子 崑弋又曰崑高腔。調高辭雅。惜不通俗。顧曲者寥若晨星。殆所謂白雪陽春曲。高寡和歟。曩年廟會。多演此酬神。今絕響矣。皮簧俗曰二簧。調雖不俗。而在灤唱者極劣。每與梆子合班分演。觀者不感興趣。梆子即梆子腔。調近俗俚。頗受民衆歡迎。昔年廟會。或富家喜慶。多演此。然費用極繁。每演四日。需二三百元。近年來四方多難。城鄉經濟拮据。不復昔日絃歌之盛矣。新劇 學軍兩界。遇紀念日。或演新劇。多有可觀。惟紀念日。每不值農隙。故觀衆率城市各界。鄉農無幾人也。

